


3
A



THE PRIN
FOR QUR

وقف
RUST
GHT



KİTAP	İfve ve Medhune
Yeni Kayıt No	46291
Eski Kayıt No	

اصحاب اللوح
والرقيم
ص 25



HACI MAHMUD EFEN
BEŞİKTAŞ
Vakıf Kütüphanesi



Handwritten signature or mark at the bottom of the page.



بِسْمِ اللَّهِ الرَّحْمَنِ الرَّحِيمِ

حمداً لله لا اله سواه وشكراً لمنعم عم الآله وصلوة على من لم نوجد
لولاها وعلى تابعيه ومن تشرف بصحبته وولاه اقام بعد هفتة اوليه كه
جواهر اخبار متقدمين زينت فزای دين و فرايد اثار كذا شتكان
پيشين لائی تاج يقيندر كه لاجرم مرد هشيار هر حكاية دن بر كونه
بهروار اولوب السعيد من وعظه بغيره فحوای سعادت احتواسی
اوزره اكر انك كلبن مضمونندن بوی هدايت كلور ايسه هر اینه انك
طرفه عطف شام ايدر و اكر پرده مفهومنده صورت ضلالت
لايح اولور سه اكا توجه و ميل ايتز كيدر بيت حكايات سلفدن
غافل اوله فيض بخشادر درون دلده صقله وقتله خوش منفعت
زادر كلامك قشرينه خرسند اوله لبتي بوقله بيلور سين چونكه
مسكين لعل تابه سنك خارادر خصوصاً دور بينان راه هدا و صدر

نشيان بارگاه ولازمه اصفيا و تقيانك حكاية حالت غايه لريكه
حضرت جنيد قدس سره بيور مشدر كه حكايات المشايخ چند من
جنود الله يعنى اولياء عظام و مشايخ كرامك حكاية لري الله تعالينك
لشكر لرفندن بر لشكر در كه هر قفى شخصك قلبى مملكتنه كه عزيمت
ايدر هر آينه اندن نفس و هوا مخالفين هزيمت ايدر بيت سپاه
نفس و هوا كم جنود شيطاندر هميشه طالب رخت صلاح انساندر
شكست و ير مز او چند ستيزه كار مكر حكاية و صلحا كم جنود رحماندر
خصوصاً بوز مردن سموم خورده باديه بلا و زهر كشيده بز مكاه
عنا اولنلرك اخبار ضلالت اثار لرين ذكر كه دل افسرده اب و قلب
تيره بي پر تاب ايدر پس بوز مردن بيا بان بلا مسافر لري و كهف
رضا مجاور لري مقر بان در كاه حتى قدیم اصحاب كهف و رقيمك
حكاية عبرت نما لريكه موقظ نيام كهف غفلت و مورث افزونی
نور بصيرتدر اگر چه تفاسير و تواريخ بو عروس و لفريلك
قناعن اچدی لکن اني بر كوز كورمدی و اكا هر مشام ايرمدی

بنابرین فقير پر تقصير محمد امين ديگر مکه ثقاتدن نقل اولنان كلماتی
ترجمه ايدوب خير الكلام ما لم يكن عامياً سوقياً ولا غريباً وحشياً
مضمونی اوزره بوشاهد دلکش خرامه بر مناسب لباسله جلوه
ويرم و بوجهبای روح فزايي بر مرصع جام ايله میانه كورم تاكه گوشه
نشین حرمان و صحرا نورد عجز و نقصان اولنلردخی دیده یه نور و قلبه

نشوه و سرور و پره لر اولاکه بواثر بر کریم حضورند کارکرونظرند
بروجهله معتبر کلوب فقیری خیرایله یاد و برد عایله شمار ایلیه
وبالله التوفیق رباعی نوش ایتدیره یم خلقه اوصهبا قدیمی کم جرعه
مست ایلدی اصحاب قدیمی بسط ایلیه ین عالمه بر بزم صفا که
مست ایلیه ارواحی انک فیض شمعی اغازداستان اصحاب الکف
حضرت حبیب اکرم صلی الله علیه وسلمدن ابوسعید رضی الله
تعالی عنه روایتیله بخاری و مسلم صحیحینده ثابت اولمشد رکه
برکون اول صدر نشین رسالت و شمع بزم افرون هدایت صحابه
گرام ایله اتور رکن بیوردیکه روز جزاده الله تعالی جل شانہ حضرت
آدم علیه السلامه ندا ایدرکه یا آدم حضرت آدم دیرکه لبتیک و سعیدیک
والخیر کله حتی یدیک پس حق تعالیدن تکرارند اکلور که اهل نارا اولندی
اهل جنتدن افراز و مجرمینی زمره محسنیندن ممتاز قیل حضرت
آدم دیرکه یارب اهل نارنه مقدار درندا کلور کم هر بیکن طقوز
یوز طقسان طقوز چون صحابه کرام رضی الله عنهم بوخبر کران اثری
استماع ایلدیلر بی تاب و توان اولوب ایدیلر که یار سوا الله اول بیکن
بر اولان رجل فقیر اولسه کون حضرت بیوردیکه سینه بشارت
اولسونکه یا جوج و ما جوجدن بیک سزدن برد رغلت اونمیه که
بوجو بدن مراد اول قومک فرط کثرتن افاده در اول دکلد رکه
یا جوج و ما جوج اهل نار اوله و باقیلر جمله نجبات بوله چونکه حضرت

صلی الله

صلی الله علیه وسلم بو بشارتله اصحابک آتش اضطرار یلرینی اطفا
واول تشنه لری زلال کر مندن اروا ایلدی تکرار بیوردیکه اول
ذات حقیچون کیم محمدک نفسی انک قبضه قدر تنده بن رجایده رم که
سز اهل جنتک ربعی اوله سیز پس صحابه کرام الله تعالی به حمد و تکبیر
ایلدیلر بعده اول خازن کجینه رحمت تکرار کهر افشان بشارت
اولوب بیوردیکه اول ذات حقیچون که محمدک نفسی انک قبضه
قدر تنده در رجایدر که سز اهل جنتک ثلثی اولاسزینه اصحاب
گرام حمد و تکبیر ایلدیلر تکرار بیوردیکه اول ذات حقیچون که محمدک
نفسی انک قبضه قدر تنده در رجایدرینکه سز اهل جنتک نصفی
اوله سز قطعه کوهرا پاکد در اصل وجود کائنات صغمه کر خطه
عقله عجیبی عزتک نسخه ایجاددن نقش وجود کدر مراد جوق دکلد
شطر اهل جنت اولسه امتک بو حدیث شریفه لایح اولان
اسرار دن بریسی اولدر که نوع انسانک اکثری اهل شقاوت اولوق
قرار کرده اراده علیه و نقش بسته قدرت ازلیه در حقا که
نظر استبصار یله نظر اولسه حضرت آدم علیه السلام کتم
عدم دن صحن وجوده خرام ایده لیدن گذار ایدن اعصار و زمانه
او باب شقاوت غالب بلکه بعضنده محیط و مستوعبدر پس
حضرت روح الله الاکرم عیسی بن مریم صلوات الله علی نبتنا و علیه
جانب سمایه جلوه نما اولدقدن صکره اهل الخیل اوزرینه شقاوت

غالب اولوب اکثری طغیان و عبادت اصنام و اوٹان ایتدی یلر
و بو امر قبیح بو مرتبه قوت و کثرت بولدیکه ملوکری دخی طغیان
و عبادت شیطان ایدوب حضرت مسیح علیه السلام دینی اوزره
بنده عابد و مؤمن موحد قلیل قالدی اول طغیان ایدن ملوکدن
بریسی روم ملکی دقیانوس لعنت مائوسدرکه بد بخت کندی
جاده توحیددن چقوب عبادت اوٹان و شیاطین ایچون ذبح
قربان ایتدو کندویه غیری بو فسادده کندویه ملحق اولیا نلری
یادست جبرایله کندویه چکردی یا تیغ جورایله قان دو کردی
اوستکار کمال ضلالتدن دیار بد یار زور و تجسس ایله صاعقه
وار قغنی دیاره نازل اولسه انده جان توحید ایله زنده اولنلری سوزان
ایدردی و عالم ضلالتده خاک تیره کی جانسز قلانلری قویوب کیدردی
القصه برو جمله زور و جور ایدرک بر مقتضای اراده فکاح حکیم
اصحاب کف و رقیمک مدینه لریکه حالاکت تفاسیرده یازلدیغی
اوزره طرسوسدراکانازل و آتش انداز مساکن و منازل اولدی
قطعه دوکلدی ظلمت شب تیره اولدی صفحه عالم آتلی آتش دل
رجم شیطان شهاب آساکیمی نور بصیرتله ایرشدی آب حیوانه کیمی
دوشدی چه طغیان و کفر اولدی ناپیدا اول مدینه ده اولان
اهل توحید بیم جان و خوف تاراج ایمانله برر کوشیه کیرنجبه نابدید
اولدی چون اول ستمکار سیه روزکار اهل ایمانک فرارین ایشتدی

عده متنان

خدمتنده اولان جنود شیاطیندن انلرک نجستنه بنط بساط
سم و تمنیة البسه ماتم ایتدی هر چند که اول شرار مانند کلاب
شکار اهل ایمانی اختفا ایتد کتری مواضعدن بولوب چقاروب
لعینک حضور منظورینه کتور لر دی انلری بو ایکی امر ببیندن
مخیر قلاردی یانرک جان یا عبادت اوٹان پس اول صاحب نظرکه
حیات باقی راحت فانی اوزره اختیار ایدر ایدی قبول قتلیده دولت
پاینده شهادت بولوردی و اول بی خبرکه ارایشد و روزینی *
اسایش ایدی اوزره ترجیح و ایثار ایدردی ترک دینله کشیده
سلسله لعنت اولوردی قطعه راحتده کوز غم کشینک سرفانی
هر کس کورینور بودمه بر بنده عابد محنتکه محکدر بیلنور
انده تمامی کیم پاک کهر قنفسیدر قنغیسی کاسد القصه اهل ایمان
کوردیلرکه فرار نفع ویرمز و بوجور پایانه ایرمز بو محنتخانه دن
روگردان و طالب راحت جان اولوب رضا لر یله مقتول
و شایسته درگاه قبول اولغیه باشلدیلر هر چند که اول بی دین
مؤمنی قتل ایدردی جسد لرین پاره پاره ایتدیروب مدینه نک
برج و باروسی و ابواب اوزره پاره لرین وضع ایله خلقه عبرت
وار باب دینه عرض سیاست ایدردی قطعه طالب راحت اوله
همواره کرچه انسان صفایه واله در نازل اولان بلایه صبر ایله
حقت الجنة بالمکاره در * اصحاب الکف نه مقوله کسسه لردر *

انده ایکی روایت وارد در محمّد بن اسحاق بن یسار رضی الله روایتی
اوزره چونکه دقیانوس اهل ایمانه بور سه اهانت و اذیت ایدوب
بدنجتک طغیان و استکباری وار باب دینک خوف و حقارتلری
ممتد و مشتد اولدی اول شهرک اشرافدن کثوردین سرورلری
و کوه سعادت مکرلری سر توحیدده همد و میدان استقامتده
هم قدم بر قاج جوانلر و ار ایدی بو حالی کوروب قالقوب بر طرفدن
خوف دین و بر طرفدن غم ابتلائی مؤمنین حزین و غمکین اتفاقله
بر خالی محله جناب معبود بالحقّه صلوة و صیام و صدقه و تسبیح ایله
توجه و التجا و اهل ایمانک اوزرندن بوبلا قالقوب بینه رسم دین
هویدا اولوق ایچون تفرع و دعایه مشغول اولدیلر چونکه قضیه
و قضا انلری سلیم بلا ایله قصر اعلایه اعلاد در ناگاه اول کلاب
بو اشیانده هفتده اولان کبک و تذروک رایجه سین استشمام
ایدوب و اروب و مصلا لرینه کیردیلر و انلری سوزان و کربان
عابد و مساجد و جاده توحیدده مرافق و متحد کوردیلر بر از
خطاب و عتاب و جواب ناصوابدن صکره دو نوب بونلرک
احوالن دقیانوسه اخبار و دوستدن کتم اولنان رازی
دوشمنه اظهار ایلدیلر دقیانوسکه اول کلابدن بو صدایی
اشتدی اول جهنمک آتش عقبی التهاب ایدوب احضار لرینه
موکل تعیین ایتدی رباعی عاشق ايسه ک بلایه اوله ملول کیم

بلادرره

بلادرره مقامه وصول کورمیه رزکه آتش هوکر صیرفی ایتزانی
صیح قبول القصّه موکلر واروب انلری معبد لرندن چقاروب
جبینلرنده زمین سجده دن غبار و تمنا زده عبادت پروردگار
بریان و کربان لعینک حضور منقورینه کوردیلر لعین بونلر بو شکلله
کور دکده دهینندن مانند کلجن آتشلر صاحب سبب ندرکه بزمله
ذبح قربانده شرکت و بو کون بر یوزنده عبادت اولنان معبود لره
عبادت ایتوب سائر اهل مدینه ایله یکسان و رونده راه عصیان
اولا سن پس هر اینه بو ایکی امرک برینی اختیار ایدر سز یا اودرکه
معبود مزه ذبح قربان ایدوب خلاص اولور سز یا اودرکه سائر
مخالفلر کبی جزا کزی بولور سز دیدکده مکسلیناکه انلرک اکبریدرعون
پروردکاری و یاری لطف باری ایله جوابه جرأت ایدوب بزم بر آهن
واردرکه جمله دن اولو و عظمتی سموات و ارضه طولودر اکادر بزم
ابدآدل پاک و قلب تابناکله عبادت و دعا و حمد و تکبیر و ثنا مز
واندن استرزخیر و برکاتی و بلیاتدن نجاتی بزم اول ذات عظیم
آلساندن رجوع من محال و او ثنان و شیطانه عبادت من تصویری باطل
خیالدر بز نقش غیردن ساده و مقام تسلیم و رضاده یوز حقزده
هر نه ایلر سک ایله دیو بو جوابی و بر دکده رفیقلری دخی بو و جمله جواب
و بر دیلر و صفه دیاننده بور سه ثبات کور ستر دیلر قطعه تیغ عرض
ایتدی ثبات اهلینه آی بیدادر صنه کیم نار عقوبت انلری تی تاب ایدر

تشنه دیداره بر میزابد رتیغك سنك كه دو كوب اب حیاتی انلری
سیراب ایدر چونكه دقیانوس بونلرك بومتانتلرین ومیدان دیانده
شجاعتلرین کوردی همان غضبدن سوزان اولوب حضاده امرایلدی
تا انلری صویدیلر و شمعوار اول جمع ایچره عربان قویدیلر پس صورت
حالرقنله متوجه ایکن جناب مقلب القلوب اوستمکار قلبنی سمت
آخره صرف ایدوب بونلره دیدیکه سزك بو عصیانكك جزآسی البتہ
ویریلور لکن سزك باغ حیاتدن میوه چین اولمش و تنعمات دنیا دن
بهره بولمش برآز فورسیده لر سزا سته ممکه سزه بی ثانی عذاب و بنای
وجود یگری هدم و خراب ایده م پس سزه بر قاج کون مهل ویره یم
تا و آروب انده فکر صحیح و کندیکزه سود مند اولانی ترجیح ایده سز
دیوانلری طشر ایتدیردی اتفاق اول وقت لعینك آخرد یارده
بر امر مهمتی واقع اولمشدی براغوب اول سمته طرح فساد و بونلری
سرور و دلشاد قیلدی قطعه ای گرفتار بلا منتظر عاقبت اول که
بلا پیشرو قافله راحتدر کاسه زهرینی نوش ایله دماد مکه انک
زهری زیرا که صفا بخش دم علتدر القصد چونکه دقیانوسك
ظلمت ظلی آچلش اولدی و اول نیکی بختلرك طریق تدار کلری کشایش
بولدی همان فرصت غنیمت بیلوب بربرده اختفاتدار کنه عزیمت
ایتدیلر و اتفاق ایلدیلر که هر بریسی و آروب پدری خانه سندن
براز نفقه آلوب بر مقدارین لوجه الله تعالی فقر او مساکینه انفاق

وامداد

وامداد و بر مقدارین کند یچون نفقه و زاد ایدوب و آروب شهره قریب
پنجلوس نام جبیده جیرم اسمیله مستی اولان کفده اختفا و جناب
حقه خلوصله تضرع و دعا ایلیه لر تا اول بد نجت شهرم عودت و خلق
اوزرینه طرح سیاست ایلدکه اوله جق نه ایسه اوله و پرده
غیبده نهفته اولان ظهور بوله پس هر بری سر بیگ پدری خانه سنه
توجه ایدوب وجه مصمم اوزره بر مقدار نفقه آلوب چقوب برازین
فقرایه بذل و عطا و برازین یاننده ادخار و استبقا ایدوب جمعیتله
جانب کفده روان اولوب و دین ایچون دنیا دن روگردان اولدیلر
و بر یسنك بر صید کلبی و ار ایدی اول بهیمه پاك شیمه دخی شهرك
نعمت فراوان قیوب بیله کندی و شکل انسانده اولان بنایمک
ایرمدیکی رتبه یه ابردی الحاصل و آروب اول کفده و اصل و اول
مقام امن و راحتہ داخل اولدیلر قطعه ظلمت ظلیلہ طولدر دل جمانی
ای فلک روشنالق کورمشون دیرمش مکر خلق جهان ایندیروب اوج سپهر نازد نیک
جوریلله ایلدک ستیاره بی سبع زمین ایچره همان سک اصحاب کفده
بر نیجه روایت و آرد رابن اسحق روایتی بودر که ذکر اولندی کعب
الاحیاء رضی الله عنه حضرت تارندن دخی مرویدر که چون اول جوانلر
مدینه دن چقوب جانب کفده متوجه اولدیلر بوللری بر کلب
اوزرینه اوغراد ی اول کلب بونلریکه کوردی همان اثر لرینه
دوستوب نقش متابعت اوردی بونلر ایلر ده کمال حس ایتمیوب

کند یلردن بیگانه و دور و باعث اختلال امر حظور کمال ایدوب
 انی ردایتمک سودا سینه دو بشد یلر هر چند که ردایتد یلر منقطع
 باولمیوب آخر اراده علیه و قدرت از لیه ایله نطقه کلوب بونلره
 خطاب ایلدیکه ای عزیز لر بنی او بر مک و دولت صحبتگر بکا چوق کورمک
 بن ایولرک بنده سی و حق دوستلرینک افکنده سیم بنم جانم ن توهم
 ایلمک سز حضور ایله خوابه وارک بن سزی بیگانه دن حر است
 و مکر اعدا دن حفظ و حمایت ایده رم چون اول حیواندن بو کلام
 در انجام صادر و انده نهفته اولان کمال ظاهرا اولدی انی کند یلره
 بار و رفیق و فادار قلدی لر بیت هر کسه قیله حقارتله نظر ایله
 خدر بلکه درگاه خداده اوله سندن مقبول و ابن عباس رضی الله
 عنها حضرت یلردن دخی مرویدر که اول سعادت مند لر د قیا نوسدن
 هر ب کف من تجاتی طلب ایلد کلر نده مرور لری بر چوبان اوزرینه
 او غرادی اول چوبان بونلرک ظاهر لرین پریشان کوردی و حقیقه
 امر لرین صورتی اکا حکایه لری تقریر و اسرار لرندن انی خبیر
 قیلدی لر مکر اول چوبان کینک التنده ارو بر مرد صاحب نظر ایلمش
 بن اول جمالک حیرانی و بویا بانک سر کرد انیم دیوب بونلر ایله
 عقد موصلت و غم مرافقت و موافقت قیلدی قطعه کندیکی
 محرم عشق ایله کور عالمده لاجرم عشق سنی لایق دیدار ایلر
 سمت مجنونه چکوب اشترینی لیلانک دولت و صلتی عشاقه طلب

کارایر

کارایر القصه چون چوبان بونلر ایله مرافقت ایدوب جانب کهوه
 متوجه اولدی لر چوبانک پاسبان کله غنی و قدیمی بیابانده همقدمی
 شیر صولت و پر هبت بر کلبی و آرایدی اول کلب دخی مفارقت اتمیوب
 بونلر ایله بیله کندی و شرف صحبت لر یله دولت سرمد تیره بیتدی
 قطعه بو یلدر خاصیت صحبت ارباب کمال سنک بی قیمتی رشک
 در شهوار ایلر کترین جانوری حلقه انسانه چکوب ایکی عالمده
 انی همدم اختیار ایلر و بو کلبک لوننده دخی بر نیجه روایت وارد در
 بر روایتده لاجه و بر روایتده قزل صاری و بر روایتده اچق
 صاری و اسمنده دخی نیجه روایت وارد در حضرت ابن عباس
 رضی الله عنه روایتی اوزره قطیر و بر روایتده صهبان و بر روایتده
 دخی وارد در که بو جانور کلب دکل بلکه اسد در القصه بونلر واروب
 اول کهنده فرار و صلوة و صیام و تسبیح و تحمیدی کند یلره کار
 و شعار قیلدی لر و ایچلر نده یملیخانام خوب طلعت و صاحب جرات
 عاقل و کامل بر جوان و آرایدی انی طعام لری امرینه موکل قیلدی لر
 وقت حاجتده قالفقوب لباس لرین صویونوب و کدایانه حرقه لر
 کینوب متغیر و متبدل و جناب حقه موکل اولوب اختفا
 ایدرک مدینه یه و آرزو کفایت مقداری طعام الور و کند ولره
 متعلق اخبار دن نه و آرایسه تجسس ایدر کلور ایدی بو اسلوب
 اوزره انده بر قاچ ایام عبادت و طاعتده قیام و جبل متین دعایه

تمسك تام كوستد يلد قطعه ای گرفتار بلا ترك تضرعدن حذر كيم
تضرعدر بلا دفند اول حرب عجيب فيض حق مبذولدر اما توقع دوستدر
چقميخجه روی دریا به صدق المزنصیب چون دقیانوس بر قاج
ایامدن صکره مدینه به عودت و شهریینه آتشکده مصیبت
ایدوب شهرک کبار و اشرافنه ذبح قربان تکلیف ایلدی اهل ایمان
بلینه بر مرتبه جزع و فرغ دوشدیکه فریاد لری دامنکیر عرش
وسیلاب چشم لری مستغرق فرس اولدی اتفاق اول وقت
یلینخاینه اخوانک متهماتچون شهرده ایدی بو حالی مشاهده ایدوب
همان عجله ایله بر جزئی طعام آلوب شهر دن چقوب مشعل راه
روان کبی سوزان و سقایاب فشان کبی کریان اوله رق اخوان
طرفنه پویان اولدی و واروب انلری دخی بو احوال دن خبردار
قیلدی پس اول مظلوم لری بر طاس زهر ایچوب و اکل شرب
هواسندن کچوب جناب حقه تضرع والتجایه مشغول اولدی یلر
یلینخا کوردیکه پیغام ملالت انجامی یاران بی تاب ایلدی پنجه اغاز
ایدوب ایتدی ای برادر لر طعامکه ضرورت بیته کوزدر باشکوزی
رفع ایدوب بر آرتنا اول و بعد جناب حقه توکل ایده لم دیدی پس
باشلرین قالدیروب شمعوار سوزان و کریان مصاحبت و اردیلر
بو مالده قطیر پاک تخمیر دخی بر روایتده کفک قپوسنده و بر روایتده
کنارنده ذراع لری بسط ایدوب ایدوب بونلرک مشاعده جمال لریله

مست ولا زمه خذ متلریله دست بست ایدی جناب صانع حکیم
جلت قدرته و عظمت حکمت بونلرک اوزرینه بر کونه خواب تسلیط
ایلدیکه راه سمعلری بسته و پیوند حواس و مشاعر لری بال کلیه
کسسته اولوب کوشلرینه هرگز صد ایرمز و خوابلرینه بر نشسته
خلل ویرمز نیکم قران عظیم التشانده بیوردیکه فضر بنا علی اذ انهم الایه
یعنی انلرک اوزرینه حجاب و پرده ضرب ایلدک تا که سماع اضواء لک
مانع اوله و نوملری وقت مقدر کلنجیه د کین استمرار بوله رباعی
زهی قدر تکه بر نقش ایچره بیک صورت همان ایلر درون آتشی
رشک آور باغ جنان ایلر کیمن سنجاب و سمور اوزره ایلر نائل راحت
کیمن خاک مذلت اوزره سلطان جهان ایلر الا لا تحزن اخوان
البلیه فل الرحمن الطاف خفیه چون شب دقیانوس و ارجیش ظلام
کچوب جانب عدمه مرور و افتاب مانند یلینخا کف افقده روی
جهانه طلوع و ظهور ایلدی اول بی دین بونلری استیوب بولدی
پس قلبنه بر آرزقت کلوب کبار مدینه دن یاننده حاضر اولان
بر آرز فاجره خطاب ایدوب بوجوانلرک بزدن فرار و ترک دیار ایتدک
بنی ناخوش و حضور بی مختل و مشوش قیلدی بنم امرده جاهل
وقصد و غرضدن غافل اولد قلمچون او یله ظن ایتدی لری که بنم
ضمیر مده قصد اذیت و کندیلره غضب و عداوت و آرحق که
توبه ایدوب بزم الهی عبادت ایتسه لرایدی نقش گاهلری

صحیفه دلدن حك و دامن دلری چنگلستان غصه دن فك اولورد
دید کده اول متمر دلدرد قیا نوسك كلا مندن رآبجه رقت و مرحمت
استشمام ایدرب کمال عتو و عناد لردن عتاب طریق ایله سن
بومقوله زكشلك عفوینه حقیق دكلسن سن بونلر حقتده
تقصیر ایتدك و معبود لرینك رضا سنه مخالف بوله کتد ککه
عقوبت لرین تاخیر ایدوب انلره مهمل و یردك اگر مراد لری توبه
و رجوع اولسه هر آینه کلور لرو بزمرچریمزه داخل اولور لر ایله
لکن انلر عناد لرنده مصر و دین لری اوزره قایم و مستمر اولدیلر
دید کلرنده اول جهمینك آتش غضبی زبانه کش و نظام صبر و کون
مختل و مشوش اولوب در حال بابا لرین احضار ایتدیروب انلره
خطاب عتاب ایله یکه تیز اول بنم امریه عصیان و مخالفت ایتد
فرزند لر یکزدن خبر و یرك یوخسه انلرک عقوبتته سر
کرفتار اولور سنر پس اول بی دولت فرزند سعادت مند لرندن
تبری و لباس حقدن تقری ایتدیلر برنجبه سفها بوقدر اموالری
الوب اسراف ایدوب یا بانه صالحوب مدینه دن چقوب و آروب
پنجلوس نام جبلده قرار ایلدیلر بز سنك امریکه تسلیمده
و معبود یکه اجلال و تعظیمده بی قصور ز پس انلرک جرم و جزا سن
بزه سزاود دشمن ایچون دوسته جوری روا کور ز مسز قطعه
زانوی خارا وزره طفل غنچه بی سیر ایلین ایلر فرک کمالا تن

اصولندن طلب رتبه فرزندده باق اصل شقا پیونده باق شبهه یوقدر
کیم مساویدن دکل اصل و نسب حقا که نسب مساوی و مسالیه مدار
اولدیفی کبی محاسن و مناقبه دخی سبب دکلدر اول جهمند که انسان
ایکی جزدن مرکبدر بریسی روحکه اول بر جسم لطیف نورانیدر که کلا بک
برک کله حلول ایتد یکی کبی جسده ده حلول ایلشد رجسدك حسن
و لطافتی و حسن و حرکتی انك حلول و تصرفنه ملازم و قوت عاقله
انکله قایمدر و بریسی دخی بدندر که حواس خمسہ بی مقر و سائر حواس
حیوانیه به مستقر در فضائل و کمالات نفسانیه علوم و معارف
کبی روحک جانبنه منوطدر و خواص حیوانیه حس و حرکت کبی بدنه
متعلق و مربوطدر و بود دخی مقرر در که توالد و تناسل خاصه بدنیه
درانده روحک علاقه سی یوقدر پس معلوم اولد یکه نسب فضائل
و کمالات نفسانیه ده کامکر و سعادت و شقاوت امرنده معتبر
دکلدر بوکه جناب حبیب اکرم صلی الله علیه وسلم حضرت لری
بیور مشدر که من ابطاً به عمله لم یسرع به نسبه یعنی دنیا راه عقبا
و خلق سالک راه بقادر و اعمال حسنه کویا مرکب و مطایا در پس
کسنه بی که عملی کچکد یروب مطلبنه اولشد ر میه انی نسبی ایصال
ایتمز و مجرد شرف اصول ایله درجاته یتمز معلوم اولد یکه کشتی به
لازم اولان تحصیل کمالات و اعمال صالحه ایله قطع مراحل و نیل
درجات ایش القصه چون بابا لری بو وجهله جواب و یردیلر

ولعینه خلوص ملعت کوستردیلر انلردن فارغ اولوب شکت
 غضبندن مرچل قطران کبی غلیان ایتکه باشلدی چون الله تعالینک
 اراده علیه سی اول سعادت مند لک نومی وقت مقدر حاکم
 ایدنجیه دک خلل پذیر اولیوب بیوست اولغله هم کندیلر نواله
 برخوان شرف و کرامت اولوق وهم ازمنه آتیه ده بر قوم بونلرک
 شان عبرت نشانلرینه اطلاعله کف ضلالدن شاهراه هدایه
 یول بولمقدر لعینک خاطرینه کفک قیوسنی یا پدر مق طوع ایلدک
 پس حاضر اولان خدامه امر ایلدیکه وارک اول کفک قیوسنی
 محکم یا پوک تا انلرجوع و عطشیدن اولسون و اختیار ایلد کلری
 ماونی کندولره قبر اولسون مأمور لر دخی و آروب کفک قیوسین
 محکم بنا ایدوب کلدیلا اولیله ظن ایلدیلر که انلر بیدار و ایتد کلرندن
 خبردار قطع قومه فکر نده خوف ماسوایی درونک نارخشیت
 ایله طولسون الم جکه حبیم دره دکلو سکا سلطان عالم دشمن
 اولسون چون مؤمنلر ظن ایلدیلر بوجوانلر دینلرین احیا ایچون
 موتی قبول ایتدیلا و آخرت ایچون دنیا دن کچوب درجه علیایه
 ایتدیلا دقیانوسک خواصدن باطنی معمور و حلیه ایمانی مستور
 ایکی سعید وار ایدیکه برینک اسمی بندر وس و برینک اسمی
 دو تاس ایدی اصحاب الکهف اسملرین و نسب لریین و واقع اولان
 حکایه لرین یازوب بر مکان محفوظده ایقا ایتک ایچون بروجه

رنکین

رنکین ایله دقیانوس حماقت ما نوسدن اسیتدان ایتدیلا مقصود لری
 بوکه بوسعادت مند لر اول بی دیندن بو مرتبه جور و اذیت
 وزجر و عقوبت مشاهده ایتمشلر ایکن جاده توحید دن بر قدمه
 انحراف و شاهراه اسلامدن اصلا انصراف ایتمیوب دینلرینه
 جانلرین فدا و آخرت ایچون ترک دنیا ایتد کلرین بعده کلنلره
 افاده ایده لر تا که مطلع اولنلر بونلردن بهره فیض آله لر و آیدینه
 خلوص و صداقت نه صورت کوستر ر بیله لر قطع ای طوتن
 درگاه معبوده تعلق دآمنن پنجه پیوندیکی قلع ایتسون جذب
 هوا بنده آبق کبی بوبنده اوله در بدر یوخسه اغلال اسلامد
 سکا اخر جزا القصه دقیانوس بونلره بوکار مساعده ایدوب
 واردیلر قلایدن ایکی لوح پیدا ایتدیلا و اول لوحلره بونلرک اسم
 لرین و نسب لریین و واقع اولان حکایه لرین یازوب بر بقردن تابوت
 ایچینه قویدیلر و اول تابوتی بنانک ایچنه وضع ایتدیلا بونلردن صکره
 دقیانوس بر قاج زمان آتش افروز و کفر و طغیانده اولوب جان
 خبیث مالک دوزخ طاشردی و ترتیب ایلدوکی مقدمات
 نتیجه سنه ایردی لذه الدنیا فانیه و تبعاتها شعرای مردستم
 پیشیه بو غفلت نه روادر بلدک چو جهان ملعبه باد فنادر دولتکه
 اتمش کره در رأس جبلدن ظن ایتد که بورأس کاجای بقادر
 بو بزمه کلن جامه فانی چکرالت ساقی قضا دیر می بو شهدر بو کادر

جوريله صفن دوکه ضعيفك کوزی یاشین هر قطره سی بر لجه طوفان
بلاد رحمايله که رحمايله سکا دار محشر کیم هر دو شنگ غابی دیوان
جزادر اصحاب الکهف اولان ایکنجی روایت عبید بن عمردن
مرویدر که اصحاب الکهفده دقیانوسک خواصندن بر قاج خورشید
صورت و قرطعت لاله روی و سنبل کیسو سرو بالا و سمن سیماشاهد
رعنا لرایدی و بریسی دقیانوسک و زیری ایدی بروقتکه عید لرنده
ملك مدینه خلقی ایله خارج مدینه به کونا کون زینت لرایله اراسته
تفریح کاهه چقدیلر و عبادت ایله کلری بتلرین دخی بیله کتوروب
کتدیلا اول جوانلردخی البسه شعشعه دار ایله اسب صبارفتاره
سوار اولوب اول قوم روی سیاهک میانک کاه شب تارده
ترتیبی بربر لریله همعنان و کاه سبعة ستاره کی متفرق و پریشان
مراقت ایتدیلا قطعه دتره سه چقد و غی در مهر جانگیر نوله
بالکزدربوقدر خصمه مقابل اوله مز مال صنه کفنن طاقدی
قرکردننه غرضی عرض اماندر که بیلور قور تولمز فی القصه بوکراه
روسیا هلممانده سیل قطران جویان ایدرک برسمتده قرار ایتدیلا
و فوج فوج چکیلوب کفر و معاصی یولنه کتدیلا بو حاله مقارن
جناب مقلب القلوب و اول جوانلرک ضمیر لرنده مستر اولان
کفری محو و حذف و قلبرینه انوار ایمانی القا و قذف ایدوب بفصل
الملك المنان هر بریسی موحد و اهل ایمان اولدی لکن بوراز سر بسته

خوفدن کسیه کشف و اظهار ایده مز لر بو انشاده بریسنک مطلع
ضمیرندن طلوع ایله یکه بو قوم کراه و گروه روسیا هک میانندن
چقوب بر تنهاده قرار ایده به تاکه بونلرک اوزرینه نازل اولان
لعنتدن حصه دار و جرم و عصیانلری سببیه عقوبته گرفتار
اولیم پس چقوب بر شجره التنده قرار طوتدی بعد اراده علیه
ازلیته ایله بو معنا برینک دخی ضمیرنده هویدا اولدی اول دخی چقوب
بر مناسب مقر تجسس ایدرکن کوردیکی بریسی تنها شجر التنده
او نورر **وَمِنَ الْقَلْبِ إِلَى الْقَلْبِ سَبِيلٌ** فحواسی اوزره کندویه همراز
اولمق امید ایله انک سمتنه توجه ایدوب اکا ملحق اولوب او تورک
وسرینی کتم ایدوب بیکانه وار مصاحبتنه بنیاد اوردی اندن صکره
سابق قضا باقیلرین دخی بونلر جانبنه سوق و افضا ایدوب تمامی
مانند پروین جمع اولدیلا اما هنوز راز سر بسته لرندن مهری
کتورمدیلر و کنجینه درونلرندن برنسنه میان کتورمدیلر
القصه ایچلرندن بری بعث شوق و تحریک ذوقله کشف رازه آغاز
ایدوب ایابو جمع کثیردن اعتزال ایدوب بیکانه وار بونده کلوب
تنها عقد صحبت ایتکه باعث نه اوله دیدکده اصحابدن علیه شفا
جواب ظهوره کلیوب اشبو صورت درونلرنده بر سر خفی اولدوغنه
دال اولمغله دیدیلر که هر بریزک خلوتخانه قلبنده بر محذره وار که
بو جمع ایچره جلوه قلن و بو قدر نامحرمه نمایان اولمز صلاح بودر که

چفت چفت اولوب هر کس صاحبک سترين اله کتوره و محذره فناخانه
 ضميرينه دست اطلاع يتوره قطعه قلبکه هرکز لساني ايله همراز کيم
 فاشد راول سرا کبر غماز بولسه اطلاع کچمسون قلب و لساني سخت
 بنديت سترکي حق بودر کيم کل سر جاوز الاثنين شاع دست
 رس بولد کسه اما بر صداقت پيشه به کيم اوله مجموعه اسباب
 خلت بي نزاع اول وجود کدر سنک کتمه ايله اسرار کي محرمه
 قرشو جمالت در کج ستر قناع القصه قلوب فرقدان کي چفت چفت
 اولد يلو و بر برينک اسرارينه اطلاع بولد يلو کور ديلر که جمله سي اهل
 ايمان و بنده رحمان و بر برينک غمخواري و هب بردردک گرفتاري
 پس اول قوم ضلالت شعارک ظلمت شعارک ظلمت ضلالت
 و مضيق الفتلرندن چيقوب درگاه واجب الوجوده التجا و شمس
 بارگاه ربوبيتدن کسب نور و ضيا ايتکه عزيمت ايدوب بر بر لرينه
 ديد يلو که چون بو قومدن و معبود باطللرندن اعتزال و جناب
 معبود بالحقه توجه و اتصال ايلد يکر کلک و آروب شول کهفده
 مختفي و منزوي اولک تاکه رتکيز فضل و رحمتدن سزه انبساط
 حال و انکشاف غصه و ملال ميسر ايديه پس بوراي اوزره ثابت اولوب
 قالقد يلو جانب کهفه خرامان خرامان روان اولد يلو و اول محله
 مقارن بر بيسينک بر صيد کلبی و آرايدی اول دخی یا نلرنده بيله ايدک
 مکر اول حيوان دخی بو وادينک دور بيني و بوخوان فضل و کرمک

ريزه چيني ايمش بونلردن منقطع اوليوب بيله کتدی و شرف صحبتلريله
 درجه کماله يتدی القصه و آروب کهفه و اصل و اول دار راحت
 داخل اولد يلو و اول وقت جناب حى لاينام بونلره بر نومر دور انجام
 حواله قلديکه کوشلرينه طبل عید چالسنه اويا نمز و بخت بي دولتان
 کي او پنجويه قانمز اولد يلو و اول جاننده قوم بونلری بونليوب طلب
 و تجسته اغاز ايتد يلو و اطراف و اکنافه پریشان اولوب ارامغه
 کتد يلو لکن الله تعالی بونلرک اثر لرين و مقرر لرين انلرک دیده لرندن
 نهان ايتکلله هر چند که جست وجوده مبالغه ايتد يلو ايسه ده
 هرکز مشاملرينه بونلردن بر رايحه کيرمدی و بر يسي بونلرک سترينه
 ايرمدی رباعی چکه بيهوده مشقت طلب جانانه روح و حدر روح
 کور نمز بصر انسانه کرچه کيرد و در کل ليک هویدا اولمز ظاهر
 اولسونی ملک باصره شيطان القصه فرو مانده اولوب جست
 وجودن فارغ اولد يلو چون بو قضيه بر نقش غریبدر که نکار خيانه
 دهرده صورت بولدی و برجاعت بو قدر جمع کتيرک میانندن چيقوب
 اندک زمانده معدوم الاثر اولدی بولوح پيدا اولوب انده يازد يلو
 فلان تار ميخده فلان ملک مملکتده فلان شهرده ملوک زاده ليردن
 بو اسم ايله مستی جوانلر نمز غائب اولوب مرتبه قدر ترمز جه سعی ايلدک
 بر اثر لری ظهور ايتدی و بزم زمانه فرده کسنه بو سترک حقيقتنه
 يتدی پس اول لوحی ملک خز يلسنه قويد يلو تا بونلر ايجون بر نشان

بلند اوله واعصار آتیه ده ذکر لری باقی قاله جا هللا اوله صنور لره که
بونلرک ذکر جمیل و شنای جز بللرینک صحیفه روزگار اوزره بقاسی
کند یلرک پیدا ایتد کلری بر لوحه ناپایداره محتاجد ر بلز لره که بونلر
مقربات درگاه حق و مقبولات مالک مطلق اولوب جناب حتی قدیم
کتاب کریمنده قصه لرین ایراد ایلدی و ذکر لرین کوشوار مسامع
و حکایه لرین شیرازه بند مجالس و مجامع قیلدی مدت نوملری
اوچیوز طقوز سنه در نته کیم کتاب کریم اندن خبر ویرر
قوله تعالی و لبثوا فی کهفهم ثلاثاً مائة سنین و از دادوا تسعاً
و نوملری حالنده الله تعالی انلره بر مرتبه هیبت الباس ایتشدیکه
انسانک زهره سی مشاهده لرینه طومیزی بعض علما دیمش لره که
بو هیبت همان من عند الله خلقک قلوبنده برد هشت و خشتیتر
خلقله بیلنرنده بر حجاب اولوب ناس انلردن منقطع اوله تاکه
اجل مقدر مرور ایدنجه بر فرد انلره و اصل اولیه و سلسله
نوملری انقطاع بولیه و بعض دخی دیمش لره که سبب حجاب
اولدر که حالت نوملرنده عینلری مفتوح ایدی نظر اولنسه
بیدار و متعرض گفتار ظن اولنوردی و بعض دخی دیمش که
سبب اولدر که مویلری غایت طویل و کثیر و ناخنلری دراز
اولمشدی لکن بو قولی مرحوم ابوالسعود افندی استخسان
ایلن و موی و ناخنلری اول مرتبه طویل اولسنه وجود ویرمز

ان شا الله تعالی یقینده ذکر اولنور روایتدر که حضرت معاویه
رضی الله تعالی عنه جانب رومه غزانیته توجه ایتد کلرنده اول
کهفک اوزرینه سایه انداز اوله یلر ابن عباس رضی الله عنه
دخی رفیق لری ایدی پس حضرت معاویه رضی الله عنه بیوردیکه
نولایدی الله تعالی بونلری بزه کشف و اظهار ایده ایدی شرف
نظر لرینه سر بلند و مشاهده جمال لرندن بمرمند اولایدق بر عباس
رضی الله عنه حضرت لری بیوردی هیهات بو امر متصور و بومطلب
سکامیسرد کلد رزیرا جناب باری جل شانہ سندن افضل و قوه
قدسیه ایله مقوی و مکمل اولان ذات بلند صفاتی بوندن اکاه
ایلدی نته کیم کتاب کریمنده بیوردیکه لو اطلعت علیهم لولیت
منهم فراراً و ملئت منهم رعباً یعنی یا محمد اگر سن انلری اول
حالته معاینه و مشاهده ایلسه ک ایدی انلردن فرار ایلردک
و فرط هیبت لرندن خوفله درونک مملوا اولوردی و د هشت لرندن
صبر و سکونک انقطاع بلوردی حضرت معاویه بوجوابه قانع
اولیوب بر قاج شخصی کهفک دروننه و آرك نظر ایدک دیوار سال
ایلدی چون اول کسنه لره کهفک داخلنه کیرد یلر بر روایتده کهفک
قصرندن بر ریح آتشین چیقوب انلری سوزان ایتدی بر روایتده
برشدیدر یچ کلوب انلری کهفدن طشره ایتدی قطعه غره اوله
عقلکه اهل کمالک پندین ال دیده عقله امورک غایتی مستوردر

قلب کامل مظهر نور خدا در لاجرم نور حقیقه نظر نقش آور منظور در
اول سعادت مند لرك بدن مبارك لرینه ضرر یتسون و خاک اصابت
ایله و کی یری یرا کل یتسون دیو جناب صانع حکیم انلری سنده بر دفعه
بر طرفدن طرف آخره قلب ایدردی بعض ثقاتدن نقلدر که
یوم عاشوراده واقع اولوردی و بر روایتده هر سنه ده ایکی دفعه
قلب اولوردی و قطیر پاک تخمیردخی انلرایله منقلب اولوردی
هر چند که انلر یمیندن شماله دونسه لر اول دخی صول قول اغن کسر
ایدوب انک اوزرینه دونوب یا توردی محمد بن اسحق رضی الله عنه
حضرتلرندن منقولدر که چون اول مدته دقیا نوسک سواد
وجوری صحیفه روز کاردن حک و پنجه ظلمی کریبان ارباب ایماندن
اولندی او ملکه نیجه ملوک کلدی وزمانه نیجه تاجور لرك تاجنقی
قیلدی آخرتند روسیس نام بر میدان دنا یتاری و کشور استقامت
سروری مرد کامل سلطان اولوب التمش سکر سنه سلطنت سوردی
ورخس فرمانه نازیانه اوردی رباعی شاه علی مقام و تخت ارا خاک
پای جماعت فقرا قیصر روم اولسه در بانی مغزی ینه بنده کی
خدا القصة براقضای قضای ربانی بونک عصرنده دخی ناسک
ضلال و طغیان غلبه ایدوب ایکی شق اولدی لر بر شقی که اهل ایماندر
حالی معلوم و بر شقی دخی اهل طغیاندر که حیات دنیا دن غیری
صات یوقدر روح بدن جدا اولدندن صکره تکرار اجزای بدر

مجمع و متکون اولوب روح کلوب بعث اولنر انجق بعث جسمانی یوقدر
دیر لردی و بونک اوزرینه پنجه فساد بنا ایدر لردی بونلرک بو وجهله
تفرقه سی اول سعیده غایت شدید کلوب بونلری شاهراه ایمانه
کتورمک ایچون اطرافدن بدرقه دین و مقتدای مسلمین اولان
علمایی دعوت ایدوب انلره دلائل و ایاتیله پند و موارد و شکو
کلرینه سده و بند ایدردی لکن اول متمر دین ینه ضلال قدیلرندن
مفارقت ایتیموب علمانک سوزین اصفا و طریق حقه سلوک و اهتدا
ایتمز لردی پس تند روسیس علیه الرحمة کوردو کی اول سنک
دلرک قلوبنه تخم معرفت اکمک و شجر هدایت ثمن اذعان دیکمک
محال و جناب محو الحاله تضرع و ابتهال دن غیری به مجال یوقدر
دیوب خانه سینه کیروب اوزرینه کول دو کوب اوزرینه اوتوردی
و بر قاچ زمان بورسمه مراسم خضوع ایله جناب عبادتی برینه
کتوردی و بورسمه دعا ایله دیکه الهی بو خلقک اختلافی سکا عیاندر
فضلکدن بونلره بر علامت کوسترکه قلبلرنده تأثیر و درونلرنده
حقی جایگیر ایلیه قطعه صونینجه دست قدرت کاسه مقصود یکی
چکه بیهوده تعب کیم دست سعی ایرمز اکا خرمن مقصود دن
اولمق دیلر سه ک بهره وار اشک ریز اول معبد اوزره کیم بتر تخم
رجا چون اول عزیزک نفس مبارکی محرک دریای رحمت و سرشک
دیده سی مثبت ریاحین رأفت اولدی جناب رب رحیم اصحاب کشف

ورقیمی بیدار و قیامت و بعثت نمونه سی اولان عزیزترین ناسه اظهار
ایتمک دیله دی تا که حشری انکار ایدن زمره مرض جهلدن شفا بولدی
و مؤمنلرک دخی سلسله ارتباط لرینه انتظام کله و مرد صالح تندر
و سیس علیه الرحمه نک دخی دعاسی مستجاب اولوب جناب رب کریمک
باغ لطفندن میوه چین و خوان رحمتندن نواله بین اوله حقا که
بونلرک بو قدر مدت برکفده نومندن صکره بیدار اولملری صورتی
حمان موتانک قبورده براز مدت یا توب ساعت کله کده ینه کالاول
روح و بدن اجتماع ایدوب قالدقلری هیئتدر اگرچه بعث موتاده
قدرت صانفک برعظیم تأیثی وارکه بربرندن منفصل و منفرد اولان
اجزائی تکرار جمع و تکوین ایدر بونده دخی قدر تک برعظیم تأیثی
وارکه بربرندن انفصال و تفرقی طالب اولان اجزائی حفظ و قوای
عامله بدنیه بی تعطیل و تسکین ایدر تفصیل بودر که ترکیب بدنک
قوام و بقاسی یکی مایله در بریسی حرارت طبیعیه و بریسی رطوبت
بدنیه در هر چند که بر سببله رطوبت پیوسته متبدل اولور بدنه
هلاک کلور و هر چند که بونلر اعتدال اوزره باقیدر بدن باقی
و صحیح اولور و بونلرک بقا و اعتدالی غذای مصلح و یرمک ایله در
هر چند که غذا معتاد اولان اوقاتده و یرلمسه از زمانده تدریجیه
بدنه فنا عارض اولور و اجزای بدن تفرق انفصال بولور مشغولی
ای قلن اب و اتشی دشمن بونلری ایلدک اساس بدن لازم اولدی

بقای انسانه اشنا اولوق ایکی بیکانه اشنا لوقه اولیه ذاتی کویستر
انفصال مرآتق حادث اولور ولی بقا بولمز اسکی دشمن درونی
دوست اولمز پس همیشه بقای انسانی طالب اولدی فنا و پاپانی
یا نیچون ارتباط دنیا به چون سفر لازم اولدی عقابیه و بالجمله
اول نورسان باغ لطافت و تازهر یا حین روضه سعادت
بولیه بر بد هوا منبع فساد و فنا اولان مکانده بو قدر زمان
نایم اولوب بدن لطیفلری اعذیه لطیفه ایله تربیه اولمش کبی
تازه و تر و ضعف هر دم طاری اولیوب کالاول قوی و زور آور
بیدار اولملری بر دلیل قاطع و برهان ساطع اولد و غنده ریب
بو قدر القصه چون اراده علیه سعادت مند لرک بیدار اولسنه
تعلق ایلدی اول شهرک خلقندن اولیاس نام بر شخصک قلبینه القا
ایلدیکه کهفک قیوسنده اولان بنامی هدم ایدوب کویسند لرینه
بر خطیر یا پدیره سن بو کار ایچون ایکی غلام استیجار ایدوب غلاملر
اول بنایی تمام هدم ایتدی لر کچه کهفده دخولدن مانع قالمدی و لکن
انلر دست کشیده قیلدیغی یرک حجاب و راستنده اولغله غلاملر
مطلع اولدی همان کهفک قیوسی کشاد اولدیغی کج جناب قادر
کریم و حیات بخش عظام ریم انلره اذن و یروب نفس پاک و طلعت
تابنا کله بیدار اولوب قانقوب کهفک اطرافنده طولاندیلر
و معتاد اولان مرتبه یا تمش کبی بر لرینه تعظیم و تکریم و تحیه

و تسلیم ایتدیلر بعدہ قالقوب د آب قدیم لری او زرہ صلاۃ قیام
ولو از مرتسبج و تحلیل و تجمیدی ادا و اتمام ایلدیلر رئیس لری
مکسالمینا بر قولده نوم کتیری استقباح ایتدی کی جهتدن و بر قولده
فوت صلاتدن خوف ایتدی کی جهتدن اخوانه نه مقدار یاتدق
اوله دیو سوال ایلدی اخوان دیدیلر که یا بر کون یادخی نقصان
اوله نته که قران عظیم الشانده بیورر که **قَالَ قَائِلٌ مِنْهُمْ
كَمْ كُنْتُمْ قَالُوا الْبَيْنَا يَوْمًا اَوْ بَعْضَ يَوْمٍ** بعده یا الهام الهی ایله
یا خود بعض احوال شهادتیله بلدیلر که مدّت نوم لری
در آزودست ادر اکلری سر رشته احاطه سندن بازدر
پس زمان نوملرینک علمنی جناب عالم الخفیاته تفویض ایدوب
سزک نه قدر مدّت یاتد و غیکزی ربکز بیورر دیدیلر نته کیم
قران عظیم الشانده **قَالُوا رَبِّكُمْ اَعْلَمُ بِمَا كُنْتُمْ** بیورر
بوجوابده ایکی وجه دخی ذکر ایتدیلر بر لیبی بو که چون کند
وجود لرینه نظر ایدوب کور دیلر که موی و ناخن لری
بر مرتبه دراز اولمشکه از مدّته اولمز بلدیلر که ایش
اخراجرم علمنی جناب دانند اسراره تفویض ایلدیلر
بو وجهی مرحوم ابوالسعود افندی استحسان ایلر زیرا
انلرک اولابر کون یاتدق یادخی اکسک یاتدق دید کلری
و میلخانی بیدار اولدقدن صکره شهر ارسال ایتد کلرنده

تلطف و استتار ایله که فرد سنی بلسون دید کلری بو وجهه مساعده
ایتمز زیرا بو سوز لر کندیلر ده تا او قدر تغیر ظاهر اولمق اقتضا ایدر
فی الواقع بوقصته نک سوقنده بر قایچ موضع واردر که وجود لرنده
مبدل فاش اولمق اقتضا ایدران شاء الله کلور غفلت اولنیه و ایکنی
وجه بودر که مکسالمینا کوردیکه اخوانک اختلافی ممتد اولدی
انلری اسکات ایچون دیدیکه سزک مدّت نوم مرکزی خدا بیلور
اختلافی ترک ایلک کندیکزه مهم اولانه اشتغال ایدوب بر یکزی
شهره کونده رک القصه عنان اتفاقرین میلخانی شکر خاطر فنه
اماله ایدوب ایتدیلر ای برادر و آرا اول جبار سیه روز کارک
حضورنده ناس بزما ایچون نه سو بیلشدی تقریر و بزنی اندن
خبیر ایله اوله ظن ایدر لر که زمان اول زماندر و دقیانوس
هنوز قتل لرینه منتظر و نکراندر بلر لر که اول لعین و اصل درکات
نیران اولدی و خلق دست جورندن استراحت و امان بوادی
پس میلخانی ایتدی دقیانوس دین سزی اهل مدینه دن طلب ایلدی
بو کون هر ایلینه حضورینه و آرزو و لقای اندوه فرا سین کورر سز
یا اودر که طاعوت ایچون ذبح قربان ایدوب قوریتلور سز یا اودر که
سائر مسلمانلرک اثرینه سالک اولور سز میلخانی بوجوابی که تمام
ایلدی مکسالمینا پنجه اغاز ایدوب ای برادر لر چون انسانه انقطاع
حیات و جناب حقّه توجّه و ملاقات امر ضروریدر

اول دشمن خدا سزی کفر و شقایه دعوت و آجا ایدر سه آکا اویک
 و دولت پاینده ایمانی الدن قومک دیدی شعر جمع دنیا که سوق
 آخر تدرای پسر کسب فضل ایتسون دیو بعث ایلدی مولاسنی
 نقد استعداد یکی خرج ایتمه لهو و لعبه کیم لاجرم تفتیش ایدر دعوت
 ایدوب فرداسنی خشم نفسیله نظر قلمه متاع دهره کیم ❀
 کز نظر در او غرادر خسرانه اول حمقاسنی بعده یملینخایه نیاز
 ایلدیلر که ای برادر وقتیدر که مدینه یه واروب انده بسزم
 حقمنزده نه گونه گفت و شنید وارو دقایا نوسک حضورنده
 بزما چون نه سویلشرا کاه اولاسن و بر از نفقه دخی الاسن
 اما شرط بودر که معتاد قدیدن زیاده اوله زیرا بود دفعه
 نفس مزینک طالب و اشتها مزاولکندن غالب در و صلاح
 اولدر که مرور و عبور کرده و مدینه ده مجامع ناسه حضور کرده
 غایت تطف و استتار و کند یکی اظهار دن خوف و حذر اوزره
 اولاسنکه اگر خلق بزدن آگاه اولور سه بزنی یارجم یا ملت لرینه
 ارجاع ایله بنای دینزی هدم ایدر لر بونلرک رجمی تعیین ایتد کلرینک
 و جهنده دیشلر که اول قومک عادتی قتلن مراد ایلد کلری آدمی
 رجمه که وجوه قتلک اشنعیدر انکله قتلادی کابناء رجمی
 تعیین ایلدیلر القسه یملینخا قلوب داب قدیمی اوزره لباسلرین
 صویونب و کدایانه لباس کینوب دقایا نوس سکه سیله بر از انجه

هنوز یا نلرنده باقی ایدی اندن بر انجه آلوب کھفک قپوسنه چقدی
 کوردیکه قپوده بر آز انثار جدید وار که اول موضعه آدم کلسونلک
 خبر ویرر و کند یلره اطلاع شکن کوستر اگر چه بر از نظر و فکر
 ایتدی لکن کاری مهم اولغین مبالات ایتیوب کندی پس طریقک
 یمین و یسارینه میل و استتار ایدرک مدینه نک قپوسنه و اصل
 اولدی مکر قپولرک اوزرنده بر از کلمات یازلشدر که شعایر
 اسلامدن اولغله دقایا نوس عصرنده معدوم و اهل ایمانک
 قلوبنده مخزون و مکتوم ایدی انی کوردی و چپ و راسته نظرو
 خلقک اطلاعندن خدرا ایدرک بر مدت تماشایه و تعجب ایدوب
 طوردی نظم حبتنا شمس اسمان هدا شمس بارگاه عز و علا
 حمد لله طلعتکله بوکون روشن اولدی بو چشم نابینا ای نشان
 شریف سلطانی نظرک و یردی جانہ خطرها سنسن اول نسخه کیم
 نقوشکدر حرز بازوی دولت عظما بعد اندن کذرا ایدوب
 آخر قپویه واردی بونک نظرین انده دخی مشا هده ایدوب بر آز
 بادیه نورد تصور و غوطه زن دریای تعجب و تفکر اولوب اندن دخی
 کذران و کوچه شهر روان اولدی کوردیکه بر آز اشخاص ذهاب
 وایا بده اما هیچ بر یسین بلز و برندن مرکز اشنا لقا ایجه سی کلر
 پس حیرت غلبه ایدوب بو شهر ایستدیکم شهر دکل انجق نما بان
 اولدیکه یا کلشم و ضلالتہ دو مشوب غلط ایلکشم دیوب رجوع

ایلدی وابتدا کبردی کی قویه یتدی و برکوشه ده آرام ایدوب برآز
 پریشان اندیشه لرایتدی رباعی بایبیدار اولدی بختم ظلمت غم
 ایردی پایانه یا خود براو بخود ر قویدی محالی شکل امکانه
 ایرشمر ساقی دهره بو احسان خوقم اولدر کیم می کلرنک شککنده
 صور پر خون پیمانہ بعده دست قدرت زمام اختیارین ینہ
 جانب شهره حبر ایدوب تکر آر شهره کیروب بازاره ایردی واستماع
 ایلدیکه خلق عیسی بن مریمین و اظهار آیین مسلمین ایدر لر بو حال
 ینہ دریای حیرتن جوشه کتوروب آیانه سردر بوکه دون بو شهره
 بر آدم عیسی بن مریم اسمنی لسانه کتورسه هر آینه قتل اولنوردی
 بوکون نه حادث اولدیکه بو مبارک اسم لر ظهور بولمش و نور بخش
 السنه خاص و عام اولمش پس مقرر اولدیکه بو شهر آخر شهر ایمن
 اما بو غریبدر که بزمر مدینه نک جوانده بو طرزه مدینه یوق ایدی
 دیوب دیوانه و آر بر جداره استناد ایدوب برآز دخی فکره و آردی
 بو حاله مقارن سمتمدن بر جوان گذران ایدر کن بو شهرک اسمی
 ندر دیوسوال ایلدی جوان جواب ویردیکه افسوسدر پس
 بو جواب بنای حیرتن تمام تشبیه و مقدمات تخیلاتن احکام
 و تائید ایدوب ایتدی فیما بعد بنک یا مستدیو یا بر در لو مکرور
 بو ایله اختلال عقل اولند و غنه کمان قالمدی پس صلاح اولدر که
 کارمده شتاب و حرکتده احتراز و اجتناب اوزره اولوب بو آسیبه

گفتار

گفتار اولمدین شهر دن چیقمه دیوب عجله بردگانه ایروب اول
 دقیانوس ضربیله مضروب اولان اقبه بی دکان صاحبنه بکا طعام
 ویردیوب ویردی اول شخص اقبه بی الوب نظر صالیدی کوردیکه اول
 عصرک درهمنه بکر ضرب بر غیر معهود ضرب ایله مضروب بردههد
 برآز تماشا ایدوب بر مرده دخی طرح ایتدی اولدخی تماشا ایدوب
 بر آخره طرح ایتدی القصه بر نیچه اشخاص اول اقبه بی کوروب
 بو آدم اسم سالفه نک کنوزندن بر کنزه اصابت ایلمشکه
 سلف ضربیله مضروب درهم خرج ایدر دیومشاوریه
 واردیلر پس اسیر بند بلا یلینجا بوندک مشاوره و مناظره لری
 کند یچون اولد و غن فهم ایدوب کمال ایلدیکه بونلر صورت
 حالته واقف اولدی لر غرض لری کند وی دقیانوسه کتور مکدر
 قطعه خیلیدن منتظرین طوغدی فرزند مراد طبع کارمده ینہ
 عسر ولادت کورینور بلزم مایه حملی ندر اول بدرانک حمل وضع
 ایلسه کورسک نه قیافت کورینور القصه یلینجا بو واقعدن
 عظیمه اضطرابه دوشوب خوفندن وجود ینہ لرزه عارض اولدی
 و نفسنی ساحا سلامتہ چیقمر مق ایچون انلردن استد عاقلدیکه
 ای قوم چون اقبه بی لدیکرانی سزه عطیه قیلدم و طعامدن فارغ
 اولدم پس بکا مانع اولمک که منزیمه مراجعت ایدم کوردیلر که
 یلینجا منفعل اولوب نفسنی ورطه تفرضدن کناره آتمق تدارکنده

اكا توجه كلام ايدوب ايتديلر اى جوان سن كسن ونه مقوله مرد سن
 كان يوقدر كه سن قدماد فينه لرن دن برد فينه يه صابت ايتش سن
 حالا بز اول سر حفييه اطلا عيمزى حس ايلدك غرضك اولدر كه
 كرىبانكى پنجه تفرضن دن خلاص ايدوب كيده سنين و اول محبوب
 قلوبى ديدۀ بيكانه دن ايدۀ سنين هيها ت بو امر ميتس اولمز بو تصور
 صورت بولمز صلاح اولدر كه بزى اندن حصه دار و كندى وجوديكه
 يار غمخوار قيله سين تا بور ازك حفظنده بز دى سنكله انبا ز اولوب
 بو ستر مكنون بينزده مدفون وعين اغيار دن مسدود و مصون
 اوله اكر بو نقش ظهوره كلز سه هر آينه سنى كوروب سلطانة
 تسليم ايدزر اول تقدير جه بسته بند زنجير و طعمه فنك شمشير
 اولمك مقرر د راسير بند بلا ييلغا فرسنگ كرىزان اولديغم بلايه كر
 فتار اولدم ديوب بونلره نه جواب ويره جكن بيلد و كندن سكوت
 ايتدى چون ييلغا همان كوهر فشانه ممر سكوت اوردى كورد يلكه
 گفتار لرى كار قلزم و مشا مرينه هر كزر آيجه مرآم كلمز لپس دست
 اذيتلرين دراز ايدوب اول بي كاهك ثوبى كرد ننه براغوب مانند
 مهران كشان بر كشان شهر ك كوچه لرنده دور ايتدر مكه
 باشلد ياروبوا مر مدينه ده شايع اولدى و اهل مدينه گروه گروه
 اوزرينه كلدى اكر چه ييلغا دم بسته و دلش كسته سپر صبرى خلقك
 ضرب دست جور لرينه برابر قلوب طوردى اما ضميرنده كند ينك

پدر و برادر لرى هنوز حيا تده اولمق مضموم مقرر اولمغه پدر
 و برادر مر كلور لرا شراف مدينه دن اولد قلى جهتله بنى
 بو خلقك الندن الور لردى بو نفسنه برآز تستلى ويرردى و بو اميد
 ايله يمين و شماله نكران و اطراف دن ظهور ايدن خلقه نظر حبان
 ايدى رباعى دريغا پايمه كندى المله بندلرا و ردم كرىزان اولديغم
 چند بلايى باشه او شوردم گرفتار جهان بيكانه انجق
 دو دمانده نه بر روى قرابت وار نه خود بر آشنا كوردم
 القصة مدينه نك مدبر امور جمهورى ديندار و صلاح شعارا
 بوس و اسطيوس نامنده ايكي مرد و ارايدى خلق ييلغايى بو صورتله
 انلرك حضورينه چكديلر بيچاره قياس ايلد يكه بونلر كند و ي اول
 جبار سيه روز كار د قيا نوس حضورينه كور ر لرى پس طاقت
 اولوب و امر سياستى مقرر بيلوب كريان كريان يمين و بساره
 نكران اولمغه باشلدى و ناس بو حالى كوروب مجانبنه استهزا
 ايدر كى انواع هذيانه نيتله سخر تيه ايدر لردى بيچاره كورد يكه
 بر طرف دن بوى شفقت كلز و بر سمت دن نسيم مرحمت و زان
 اولمز يوزين آسمانه طيوب اى سموات و ارضينك الهى سندن
 غيرى مستندم يوقدر بو كون بكاصبر و سكانت و نفس نا توانم
 قوت وير كه اول جبارك عقوبتى نظام عقيدة مه ظل و صدمه
 قهر و سياستى باي صداقتمه ذئل بتور ميه دى بود عايه باشلدى

رباعی ای قیلان بنده سنی بند شقادن ازاد دست لطف کله
اچلمزمی بو بند بیداد جان فدادر یولکه هر نه کلور سه سندن
دل بی ماره همان صبر یله ایله امداد و کاهمی اول غریبک اخوان
یادینه کلوب دیردی ای دریغ یار وفادار و صدیق غمگسار لرمدن
جداد و شدم چون انلرایله توحید باریده اتفاق و ابدی شرکدن
تبریده عقد وفاق ایتمش ایدک و حیات و ممانده مفارقت اتمک
اوزره عقد اخوت و بند موصلت قلمشیدق نولایدی انلردخی
بود آهیه دن خبردار اولوب کله لر و اول جبار ستمکار لرک حضور
بنمله مرافق اوله لر ایدی رباعی صبا لطفیله اخوانی خبردار ایله
شانمندن گرفتار اولدیغیم بو پرده ذل و هوانمندن فلك شمندی
گرفتار ایلدی دست ارازلده کچرکن زمره اشرف آدابیلده
یا نمندن القصة گرفتار بند بلا یملیخانی اول ایکی دولت مندک حضور^{نه}
کتوردیلر یملیخا کوردیله کندوی دقیا نوسه کتور میوب آخر
کمسنه لر حضورینه کتوردیلر بوندن برآز آتش غممه انطا و درد
دروننه بر مقدار شفا کلدی القصة اریوس واسطیوس دخی
اول اچقه بی آلوب برآز تماشاو تعجب دن صکره یملیخایه خطاب
ایدوب ای جوان اول بولدیغک د فینه قنده در دیدیلر یملیخانک کم
تلاطمه و غممه برآز سکون و قرار و درونه بر مقدار قوت
گفتار کلمشدی جواب و یروب بواقچه بنم ابا واجد اده اچقه سید

و بوضرب بو شهرک ضربیدر بن کتوبولدم لکن بر کرداب تمته گرفتار
اولوب کشتی وجودی بجر حیرته صالحه و افعال و اقوالی بلدن
قالدم دیدی پس دیدیلر که سن کیسن و پدرک کیمدر و سنی بو مدینه ده
کیم بیلور یملیخا ایتدی بن کندیمی بو شهر خلقندن اکلمر و پدرم فلا ندر
چون حضار دن کندویه و با با سنه بر آشنا بولنمدی اول رئیس لرک
بر یسی غضب ایدوب سن کذاب شخصه بکزر سن راست سو یلر
و حقی اعتراف ایلر سن دیدی یملیخا کوردیکه بونلردخی دنیا گرفتاری
ودانه درم و دینار طلبکاری تاثیر جوابدن مایوس اولوب ساکت
وصامت اولدی خلقک کیمی مجنوندر و کیمی فرزانه پرفوندر کندوی
اول صورتده کوستروب و بوصفتی ملجا و مناصر قیلوب حیلله ایله
دست تعرضن دن خلاص اولوق استردیمکه باشلدی بو حاله مقارن
ایچلرنده بر یسی نظر قهر یله با قوب ای فرزند سن اوله می قیاس
ایلر سن که بودر هم پدرم مالیدر و بوضرب بو مدینه نک ضربیدر
دیدیکیکه قناعت و سکا نقرضدن فراغت ایده ریز حالاکه بوضربک
عصری و اهلی مرور ایده لی او چیوز سنه دن متجاوز دروسن بر نور^{سیده}
غلام سن و بز بر آرزو سالخورده و دولت پرده پیر لر یزویانکده
اولان اشرف بو مدینه نک ناظم اسباب انتظامی و جمله
خزائن مدینه بونلرک مختوم ختامیدر انجلین در هم بز کیسه
تصرف سنه کیر ممش و هرگزید طولای قدر تمز اکا ایر ممشدر

وسنگه بر شخص نکیر و بر کدای حقیر سن ابا و اجداد مدن بورسمه
نایاب ماله مالکم دیمک امر قبیح و کذب صریح در بود خرد مند صاحب
تدبیر و جهان دیده و کار از موده پذیر لری کاذب ایله فریفته می قلمق
دیلسن ظنتم اولدر که شمعی دست عقوبت پرده انکار یکی شق
و تازیانه سیاست کوینده حق ایلمر یلیخا کوردیکه بوندن صکره
سکوت تلف نفس کتور و کتم راز وجوده آفت یتور ریس قصه بی
بیان و راز نهانی عیان ایتمکه قرار و پردی رباعی کرچه در بسته
کوک مخزن قلب عاقل اولمیه تاکه انک غورینه هر کس و اصل
لیک بر سرکه انک کتمی دکل بغیه دین پس اکا نفسنی بذل ایلمر لاجاهل
القصه یلیخا انلره ایتمدی سزه هر نه سؤال ایدر سم جوابده
تقصیر ایتمه ک تاکه حقیقت امر نمایان و صدق و کذب هویدا و عیان
اوله ایتمدی لر خوش سوبله یلیخا ایتمدی دقیا نوسک خلقله ایشی نیه
منجر اولدی ایتمدی لر حالا دقیا نوس نامنده وجه ارضده کسنه معلومر
دکل بلی زمان سالفده دقیا نوس نامر بملک کلش لکن انک زمانی گذران
ایده لی طول مدت اولمش اندن صکره نیچه قرون کلوب کندی و نقاش
ازل نکارخانه عالمده نیچه نقش پید او محو ایتمدی یلیخا ایتمدی
حالا شبهه قالدیکه بن حیرانم هر نه سوبلیسم دروغه حمل اولنور
و باعث حقارت و انکساره اولور اما حقیقه حال وزبده مقال
اولدر که بز بر نیچه جوانلر ایتمک دقیا نوس جبار بزی عبادت او ثبات

وطاعوت

وطاعوت ایچون ذبح قربانه اکره و ایجا ایله می بز قبول ایتمیوب فرصتله
اندن هرب ایدوب او جبل پنجیلوس ده اولان کفده فرار ایلمک دون
انده نایم اولدق بو کونکه بیدار اولدق بن کلامکه اخوانه نواله اشترایدیم
بزمه ایچون بونده نه سوز وار تجستس ایدوب کیدم ناکاه بورسمه
بند تهمت و هدف نیر باران هلاکت و فلاکت اولدم اگر بوسوزومه
دخی اعتماد ایتمر سکر بنمله کفده و آروپ اصحابی کورک چون اریوس
یلیخا دن بو کلام عبرت انجامی استماع ایلمدی حضاره ایتمدی ای قوم
بوجوانک کلامندن مشامه بر سانحه غریبه کلور و بوندن بر غیری
صورت کورینور امید و آرمکه صرف حقدن بزه بر عنایت و بونک
یوزندن بر علامت ظهور ایتمده پس کلک بر جوانله کیدوب اصحابی
کوره لرو بو امر بعید القهرک غورینه ایره لمار یوس واسطیوس
وسائر اهل مدینه اتفاقله قالمقوب پیاده و فرسان بدرقه راه هدا
یلیخای او کلرینه آلوب جانب کفده روان اولدی لر سبحان الله
کویا اول گرفتار بلا یلیخا حقدنه ظهور ایتمدن صدای بلند تهمت
و اول کوچه لرده نوش ایلمدی کی لطمه جور و اذیت مقدمه جمعیت
انام و خوان یغمای هدایت صلاهی عامر ایش رباعی اول کاره
نظر قلله کوزت انجامن چون بیلور سنگه حکیمک ایشی پر حکمت در
تلخ کام اولمه کرا و استاد و پر رسه خنطل که انک غایتی نوش
عسل صحتدر اما اول جاننده اخوانی یلیخای که مدینه یه کوندر

دیلر بر طرفدن آتش جوع و عطش و بر طرفدن اندیشه نیجه کونه
انجامله کشاکش بو حالله مترقب ایکن کوردیلر یملینا معهود اولان
مرتبه دن زیاده اکلندی حضور لر ی مشوش و فائزه خوف لر زبانه کش
اولوب بو علامت خیر دکل و اریسه بر آدریمز یملینا کرفقار بند بلا اولدک
دیوفکر و المده ایکن ناکاه بر آزانسان و حیوان اصواتی پیدا اولدیکه
اشغادن صعود ایدوب کلکده و کتدکجه سمتلرینه قریب اولمقده
ظن ایلدیلر که بو جماعت دقیانوسدن کندیلر ایچون کلور لر و ناچار
کندیلری اول ستمکاره کتور لر پس قالقوب نمازه قیام ایلدیلر
اتمامدن صکره بر بر لرینه تسلیم و اداء مراسم تعظیم و تکریم
ایلدیلر بعدده بر بر لرینه لوازم تقوا و طاعتی و صییت ایدوب و آره لر
یار و فادار یملینای کرفتاره مرافقت قیللور هنوز اول جبارک
حضور نده بزه منتظر در دیومشاوره و اسباب حرکته مباشره
ایکن اریوس مدینه خلقی ایلله کھفک قپوسنه ایردیلر یملینا انلری
قپوده بیر اغوب کریان کریان ایچری کیردی و حلقه اخوانه ایردی مقدر
سیر ایدک نجم سعادت یینه کلدی یندی عقد پروینی طاغتمشندی
فلک جمع ایتدی اخوان کوردیلر که یملینا بکا ایده رک کیردی انلردخی
کریان اولمغه باشلدیلر و یملینایه احوال سرگذشتدن سؤال ایلدیلر
یملینادخی سر تا پاکدشتن بیان و صورت حالی عیان ایلدی یقیناً
بلدیلر که باراده الملك القدير منظر اثار قدرت و منبع چشمه سار هدایت

اولوب جناب رب هادی بو قدر مدت نومدن صکره بیدار ایلشکه
خلق بعضی تصدیق و ساعت قیامت تحقیق ایده لر اندن صکره اریوس
کھفک قپوسندن ایچری دخول ایتدی یکی کجه سیم خاتم ایلله مختوم باقردن
برتابوت بولدی قپوده طور و ب اشراف مدینه ایلله اول تابوتی فتح
ایلدیلر ایچندن ایکی قلاهی لوح چقدی انلرده بونلرک اسملرین و نسلرین
و وقعه لرین تفصیل و زره یازمشلر و نظار ایچون بر نقش نصیحتدرکه
قازمشلر بونی او قیوب بلدیلر که جناب هادی بونلری کندیلر بر آیت
و جاده حقه هدایت اولمق ایچون بو قدر مدت نومدن صکره اظهار
ایلش پس بو فضل عظیم و کریم جسمه مسرور اولوب عمومگ
صدای بلند ایلله تسبیح و تحمید و تکبیر تجید ایلدیلر بعدده آدابله
اصحاب و زرینه کیردیلر کوردیلر که جمالری منور و بدن لطیفلری
تازه و تر و لباسلری رعنا و تغیر و تبدلدن میزا او تور دیلر همان
اریوس و اصحابی سجده شکره واروب جناب رب کریم کندیلری
بویله بر آیت عظما ایلله ممتاز و اول عزیز لرک صحبتلرینه سرافراز
قلد یغیچون روی عبودیتی زمین طاعت اوزره ساییده قلوب
بعده انلر ایلله مصاحبتله اغاز ایتدیلر او سعادت تمتلرد قیام نوسدن
نوش ایلد کلری زهرالمی و مؤمنلرک اوزرینه نازل اولان مصیبت
ماتمی نقل ایلدیلر پس اریوس و اصحابی اول اکرامله مصاحبتدن
برآز دفع آرزو و دماغ روحلرین انفاس عطر باشلرندن بو مرتبه

خوش ایلد کدن صکره ملک صالح تند و دروسینه بر رسول ارسال
 ایلد یلر بو پیغامله که ملک دام ملکه حضرتلری عجله ایلله بوجانی تشریف
 ایتمک لازم اولمشدر و اول جهند که جناب رب کریم و صانع حکیم
 بر قاج جوان سعادت نشانی اوج یوز سنه مقداری بو کھفده
 بساط دین و فراش حق یقین اوزره نایم قیلوب زمان دولت^{نده}
 و آوان میمنت عنوان سلطنتلرنده هم کند یلر بو شرفله اعلا
 و هم خلقه بعث و نشری تصدیقده نور و ضیا قلیق ایچون بیدار
 قلمشدر پس جناب سعادت ما پلرینه مهم اولان عزیز لری
 آفتاب جمال لری مشاهده سیله دیده یه ضیا و پیرم نوشتا نوشر
 صحبتلرندن دل غمکینه جام لبریز صفا و پر مکدر چون بو خبر ملکه
 و اصل اولدی همان اسیان بومالرو مسکن هوا هم و غم
 اولان خانه قلبی ابادان اولوب و بانک هولناک شقاوت
 اشقیای ایلله اشیانه سردن طیران ایدن مرغ عقلینه باشنه
 کلوب بر آرز حمد و شکر ایلد کدن صکره دار السلطنت اولان
 مدینه نک خلقنه بو خبری انبا و مرافقترین استدی عموما
 قالقوب طرسوسه کلدی لری طرسوس خلقی دخی انلری استقبال
 ایدوب جمعیت عظما ایلله کلوب کھفه و اصل اولدی لری چون ملک
 کھفه داخل اولوب اول نجوم اوج سعادت و ریاحین روضه
 افضل و کرامتی بو حسن و لطافتله مشاهده ایلدی نشیاط

و سروردن سجده شکره و آردی و جبین ضریعتی خاک زمین
 طاعته اوردی رباعی حمد لله ظلمت غمدن خلاص اولدم
 بوگون دیده غمدیده مه لطف خدا کو ستر بکون کاسه دل
 سنک اندوهیله اولمشدی شکست ایلدی حقا بو صحبت اول
 صنق جامی بو تون اول حالده اصحاب زمین اوزره خلقه اوروب
 ذکر خدا و تکبیر و تحمید جناب کبریا یه اشتغال ایلدی لری ملک
 سبحه دن باش کتوروب حضور لر نده قایم اولوب انلر ایلله
 معانقه ایدوب شاهد مقصودی در اغوش و بوبزم
 روحا سندن بر آرز صهبای صفا نوش ایلدی چون اول ریاحین
 بوستان سعادت بوی هدایتله مشام خلقی معطر و اول شمیر
 اسمان دیانت نور جمال لریله ناسک دیده لرین روشن قیلدی
 پس مستدعی اراده علیه ازلیه وجوده کلدی و نیرنگ
 حکمت لری زلیته صورت ظهور بولدی لاجرم بو و جلستان دنیان
 دامن کشان و دار الطهارة عقبایه رو بر آه و روان اولمقلری
 اقتضای قضای ربانی ایلله لازم اولمغین ملکه بو اثناده بر آرز دعا
 و تودیع ایتد کلرندن صکره هر بریسی هنوز ملک حضور نده قائم
 ایکن مضجعلرینه یا قوب ارواح مقدر لری ندای بلند صدای
 يَا أَيُّهَا النَّفْسُ الْمُطْمَئِنَّةُ ارْجِعِي إِلَىٰ رَبِّكِ رَاضِيَةً مَرْضِيَّةً جانیبده
 طیران قیلدی و دعوت فاذخلی فی عبادی و اذخلی جنتی سمینه

متوجه وشتاپان اولدی قدس الله ارواحهم رباعی التفات ایتمز
جهانه طالب دیدار اولان غیره باقمز صفحه قلبنده نقش یار
اولان خانه غفلتده آرام ایلمز اگاه دل کلنور می خوابکده بر نفس
بیدار اولان چون اول عزیز لر متوجه علیین وعازم صحبت زمره
مقربین اولدیلر ملک اوزر لرینه واروب جسد مبارک لرینک
اوزر لرینه ثوبلرین سترایدوب امر ایلدی بر رذهی تابوت یا پوب
انلری اول تابوتلر ایچینه وضع ایلدیلر چون اخشام اولوب ملک
خوابه واردی منامنده انلر ایله ملاقی اولدی ملکه خطاب ایلوب
بزماصل ومبدأ مز تر آب ومصیر ومرجع مز تر ابد ر بز ذهاب وفضه
خلق اولندق پس بزی زمان نومسزده کهف ایچنده تراب اوزره نه
کونا یا تمش ایسک یینه اول وجه اوزره ترک ایله که یوم بعثده اندن
قایم وجناب حقّه اندن متوجه وعازم اولایز ملک خوابدن بیدار
اولدقده امر ایلدی ساجدن برر تابوت پیدا ایتدیلر انلرک ایچینه
رعایه قانون اسلام وادای مراسم اغرازو اگرام ایله وضع ایلدیلر
چون اول مقبولان اله ومقربان درکاهک امر تمجیز لری تمام اولوب
ملک وحضار کفدن طشره کلدیلر الله تعالی انلر ایله ناس میاننده
برپرده حجاب کشیده قلدیکه اوز زماندن صکره رعب ودهشتدن
کسنه داخل اولغنه قادر اولدی وبر فرد انلرک کیفیت لرینه اطلاع
بولدی بوندن صکره ملک امر ایلدی کهفک بابی اوزره بر مسجده

شریف بنا ایلدیلر وانلر ایچون بر عید عظیم و یوم کرم قیلدی وامر
ایلدیکه هر سنه برد فعه اول کونده ناس بونلرک اوزرینه کلوب مقام
مبارک لرین زیارتله متمتع اوله تاکه بونلرک ذکر جمیلی باقی قاله وتعظیم
وتکریم لری پایدار اوله بو ذکر ایلدیکم ابن اسحق دن روایتدر بر آخر
روایت اوزره اول زمانکه اسیر بند بلا یلیخا گرفتار بند تهمت
وکشیده شکنجه جور واذیت اولدی خلق انی ملک صالح تند و زوس
حضورینه کتوردیلر ملک اکاسنه مقوله آدم سن دیوس سوال
ایلدکه یلیخا بن بومدینه دن خروج ایدله لی بر قاج کوندردیدی
منزلن خبر ویردی و براز کسنه لر ذکر ایلدیکه ملک اگر چه بر یسنه
آشنا چقمدی اما استماع ایتمشدیکه زمان قدیمده بر نیچه جوانلر
مفقود اولوب اصلا اثر لری پیدا و خبر لری هویدا اولمغله
اسملری بر لوحه نقش اولنوب اول لوح خزاینه وضع اولنشدی
پس اول لوح طلب ایدوب واحضار ایلدی نظر ایدوب باند یلیخا
مکتوب بولدی و باقی اسملری دخی ذکر ایلدی یلیخا ایتدی بو اسملر
بنم اخوان اسملریدر وقتا که ملک یلیخا بو خبر مسترت و پیغام
بشارتی گوش ایتدی همان اهل ولایت ایله سوار اولوب جانب
کهفه کتدی چون کهفه واصل اولدیلر یلیخا انلره ایتدی سز بوند
بر ساعت توقف ایلک که بزواروب اخوانه سزک قد و مکر بشارتن
ودقیانوسک واصل درکات نیران اولدیغی پیغام مسترتی ابلاغ

ایده یه زيرا انلك مرآت خيال لرنده هنوز داقيا نوسك حياتي صورتی
هویدا و اول جبارك جور و اذیتی خوفی در و نلرنده ثابت و برجادر
و بوجاعتی داقیا نوس اصحابندن ظن ایدوب هر اسان اولور لر
پس میلینا انلری بیر اغوب تنها کفه و آردی و اخوانه حقیقه امری
خبر و یردی اول حالده الله تعالی انلك ارواح مقدسه لرینی قبض ایدوب
چسد مبارک لرین و راء پرده غیبده پنهان و خلقک دیده سندن
مستور و نهان قیلدی ملک بر آرمکشدن صکره ایچر و کلده کده کوردیلر
انلردن اثر یوق رباعی نوش ایدن جام صفا بزم وصال یاردن
غم دکل مستور اولوسه دیده اغیاردن محو ایدن ایتمش وجودین
ناخن تجرید ایلله روح در اولسون نهفته دیده نظارتدن در بیان
مراد از اصحاب کف و رقیم کف جبلده اولان غار و اسعدن
عبارتدر و اصحاب کف بو ذکر ایتد و کمر جماعت اولدیغی اتفاقیدر
امار رقیم ندن عبارتدر و اصحاب رقیمدن مراد کیملردر بونده اقوال
و روایات وارددر دیمش لکه رقیم یا اول کفک کندیده اولان کوهک
اسمیدر یا خود کف کندیده اولان و آدینک اسمیدر یا خود اصحاب
الکھفک قریه لرینک اسمیدر یا خود کلبلرینک اسمیدر یا خود
اصحاب الکھفک اسمالری کتابت اولنان لوحک اسمیدر بو احتمالات
اوزره اصحاب کف و اصحاب رقیم بر قومدر برر و ایتده اصحاب رقیم
اصحاب کفدن جدا بر قومدر که زمان قدیمده بر غارده برسینک

عظیمدر

عظیمدر غاری بند و استوار ایتمکله گرفتار اولوب بعده هر بری
لوجه الله تعالی ایشلد کلمی حسنه ایلله جناب حقه توستل
و تضرع ایلله اول مضیقندن رها و مظاهر آثار لطف خدا اولدیله
بونک تفصیلی بخاری و مسلم کتابلرنده حضرت حبیب اگر صلی الله
تعالی علیه وسلم حضرت ابن عمر رضی الله تعالی عنه روایتیلله
ثابت اولان اولدر که از منة سالفه دن بر زمانده اوچ کسنده مسافر
و مرافقت ایدوب بر سمت کبدر کن نیمه راهده بارانه گرفتار اولوب
طریقندن عدول و سمتلرنده بر جبلک دامننده بر غاره التجا و دخول
ایلدیلر اتفاقا بارادة الله تعالی جبلدن برسینک عظیمه جدا و غلطان
اولوب کلوب غارک اوکنده قرار و قیوسن تمام بند و استوار
قیلدی انلرکه بو امره اولنکی مشاهده ایتدیله بو سنکی قوت بازویدله
نقل و تبعید ایتلمی باب تصور دن بعیددر پس جهة صلاح و منج
فوز و فلاح اولدر که هر کس نظر تأمل ایدوب اعمال صالحه سندن
بر عملکه خالص و بی ریا اوله انکله جناب مجیب الدعواته توستل
و التجا و بو بند و استوار دن صلاحی طلب و استدعا ایلله امیددر که
قاضی الحاجات اول عمل بر کاتیلله نجات روزی قیلله بریسی ایتدی
بنم پیرو شیخ کبیر مادر و پدرو اولاد صغار همسر و ارایدی
بن بونلرک غنملرین رعی ایدوب هر شب منزله کلده کده حلب ایدوب
حلبنی ایتد و الدینمه نوش ایتدیروب انلرک حاجتن قضا و خذ متن

ادادن صکره سائر عیالیه دخی اعطا ایدر دم قضا بر کون رعیده
مبالغه ایدوب دور کتمکله مرعاده شب بجمه ایدوب وقتیه
منزله واصل وانلرک خذ متلری شرفنه نائل اولامدم چون شتاب
ایله ایاب ایدوب والدینی خواب راحتده بولد مرئیسینه داب قدیم
اوزره اغنامی حطب ایدوب کاسه شیری لدم و بالیناری وزره
وآردمکه انلره نوش ایتدیرم بعدده اطفاله ویرم متنبه اولدیلم
کاسه دستمه ایاغ اوزره توقف ایلدم و اطفال پریشان حال
طلبکار شیر و دست فغانلری کریبان کیر بو حاله انتظارده ایکن
فواده صجدن یوز لرینه اب صاچلدی و دیده لری خوابدن آچلدک
الهی بو عملده بی ریا و طالب رضا ایسه م بو ظلمتدن بزه برفرجه
احسان قیل پس اول سنک حرکت کلوب بر طرفدن شکاف پیدا
اولدی وانلره بر آن شرح کلدی مشوی واقف اولدک چو سرنیه
خبرک حرمتن اکلده مادر و پدرک انلره انقیاد رفعتدر
تار بود قبا ی عزتد بر نفس انلره عتوق ایتمه معصیت چرکنه
باتوب کتمه انلری اکلده جمله دن عالی ایله الطفالی انلره تالی
حق خذ متلرین ادا ایله وقتله اکه انجا ایله ایکنجسی ایتدی بنم
برو ختر عم و آرایدی و بن انک دلداده و عاشق افتاده سی ایدم بزم
غلبات طوفان و غلبه نفس بی امان حسبیلله اندن وصلت و فتح
کنج حسرت استد عاقیلدم بو مطلبک حصولن یوز دینارک

وصولنه تعلیق ایلدی پس افغان و خیزان یوز دیناری پیدا
و اول حبیه اهدا و اعطا ایلدم چون سیا نمزدن پرده حجاب
منکشف اولوب دست نیاز ایله حل عقده کام و فتح قفل کنجینه
مرام قیلدم در حال فتح بابہ متعرض اولدم بو اثناده ایتدی ای
بنده خدا جناب حقدن اتقا ایدوب بو خاتمک بغیر حق کشتارندک
احتراز ایله چون بو کلامی ایشتمد مرهمان نفس غارتگری منع
وحد و وسیل طوفانک او کین بند و سدا ایدوب سمت تعرضدن
رو کرد آن و جانب زهدده متوجه و روان اولدم الهی بندن
بو کار رضا کی طلب ایچون بدیدار اولدی ایسه بزه بر انبساط
حال و انشراح بال ویر پس اول سنک بینه حرکت کلوب بر مرتبه
دخی انفراج حاصل اولدی تا اول مرتبه دک که صدور و مرور
ایده لر قطعه سواد معصیتدن پاک طوبت ایلینه قلبک همیشه
صیقل تقوایی اور کیم نور فرورسون عملده لذه اولمز زهد سر
ترک محارم قیل که تا حلقومر جانه لذه شهد و شکر ویرسون
زمین طاعت اوزره غرس ایدرسن باغ اعمالی نلال جوی تقوا
ایله سقی ایله ثمر ویرسون اوچنجسی ایتدی بر عمل ایچون برکیل
برنجه بر اجرا استجار ایلدم چون اول عمل قضا و حقی طلب و اقتضا
ایلدیکی حقی اکا عرض ایلدم بر وجهله اعراض ایتدی القصه
بهر سنه معطل قوم سیوب زراعت ایتدم اول غایته دک که اول

محصولدن بر نیجه کله بقر جمع ایتدم چون برمدتدن صکره اول
 شخص کلوب حقنی طلب ایلدی اول کله بی چوبان لر یله اکا کوس تروب
 و آرا اول مجموع سنک مانکدر اخذ ایلله دیدم بونی استهزاکان ایدوب
 آزرده دل اولوب عتاب وجهی ایلله الله تعالی دن اتقا ایلله بنی
 استهزایتمه دیدی چوبان شبهه سن دفع ایدوب اول مجموع اکا دفع
 ایلدم قبض ایتدی و نشاط و سرور ایلله سر و ب کتدی الهی بو فعلده
 بی ری او طلب کار رضا ایسه م راهمزی کشاد و بزی مضیق غمدن
 آزاد ایلله پس اول سنک بالجمله اندفاع و باب غاره و داع ایدوب
 باب مفتوح و اول عزیز لر مظهر انشراح و فوج اولدی مفرد
 بردنکه اوله مطلع خورشید سماحت نشر ایتسه نوله عالمه
 انوار کرامت در بیان اسماء اصحاب الکف و حاصیتهها اصحاب
 الکف یدی کسنه در سکر نجی کلب لر یدر حضرت علی رضی الله تعالی
 عنه منقولدر که انک التسی دقیانوسک مستنار و مقر بلر یدر
 اوچی اصحاب یمندر بونلرک اسملری یملیخا مکشلینا مشلینا
 و اوچی اصحاب یساردر بونلرک اسملری مرنوش شازنوش ویدنجی
 رفیقلری اولان راعیدر که انک اسمی کشططیوش در و ابن عباس
 رضی الله تعالی عنها حضرتلرندن مرویدر که بونلرک اسملری مکشلینا
 یملیخا مطنوس بلیونوس صاریونوس دونواس کشفو ططیوش ابن عباس
 رضی الله عنه حضرتلرندن منقولدر که اصحاب الکف اسماسی

برمطلوبی طلب و برمهرد ویدن فرار و هرب ایچون نافعدر و برحوق
 واقع اولسه بر خرقیه یازوب میان آتسه اتا لربا راده الله تعالی اطفا
 ایلر و بوگا طفل ایچون یازوب مهده طفک تحت رأسنه وضع
 ایده لربا راده الله تعالی دفع بکا ایلر و زرع ایچون بر قرطاسه یازوب
 برچوپک باشنه تعلیق ایدوب زر عک و سطنده دیکلسه باراده الله
 تعالی دفع آفتدر و اوچ کونده بر طوتن تخامیه و باش اغریسنده و غنا
 و منصب ایچون و سبب خلاص و باعث نیل و وصلتدر و سلاطینه
 دخول ایچون یازوب صاغ فخذینه بند ایلله لر کار کردر و عسر ولادت
 ایچون یازوب عورتک صول فخذینه ایده لرحرب باراده الله تعالی
 نفعی مقرردر و حفظ مال ایچون و دریا یه کیرمک ایچون و قتلدن نجات
 ایچون مقیددر و الله اعلم شمس ای قویان کوهر سیرابی درون حجره
 شمسله شعله ویرن جر و سیاه قره مضاحلدر نظر تربیتکده نقصان
 کرمک رتبه احرار و برر کلب و خره ناقصم کرچه ولی معرفت نقصانم
 جانبکدن دون و کون منتظر بر نظره نقد رتبه ایسه م خاک ره اختیارم
 زینتمدر اثر پای کرام پدیره کرچه عبدم دیمکه بنده لسا یوقا ما بنده یه نسبت
 ایدن دخی لری بالآخره دوستلر حرمتنه قیلده مقیم حرمان نائل ایت باغ کدمد
 بنی بربرک تره رشخ لطفکله او یاز قلب قوی خفته لری ایلسون صیحه بولر نفس
 دین جانوره اوله کیم قالقه دوشه پاینه اهل هربک ایره بر صحبت پاینده و عزت
 اثره یاز ایچون یاده نظر رسم مجتدر چون او گروه ایچره بوده منظر اولر بر نظره

بر روایت دخی جبل الرقید قرآن عظیمه مذکور اولان بودر بو بر طاغک
 اسمیدر بعضرا ایتدی بر قریه در که اصحاب کهف انده در ارض رومده
 مضیص قربنده طرسوس دید کلری بر در عباد بن صامت رضی الله عنه
 حکایت ایلدی ایتدی ابو بکر صدیق رضی الله عنه بنی روم ملک
 ارسال ایلدی تا یکم انی دین واسلامه دعوت ایدم پس کید وب
 بلاد رومه داخل اولدم کیدر کن ناکاه بزه طایح لایح اولدی اهل کهف
 دیکله مشهور در تا یکم واروب بر دیره واصل اولدق واصحاب کهفک
 مقامندن سوال ایتدک پس انلر بر طاغک وادیسند بزی مکث
 ایتدیر دیلر وانلره بر نسنه جک ویروب ایتدک سز نردن تمنا
 ایدر یز انلری بزه کوستره سیز پس بریره واروب کیدیلر بزدخی
 ارد لر نجه کیدرک آنوک دمردن بر قاپوسی وارا ایدی آجوب ایچر و کیدیلر
 طایح ایچنده براوقارلمش ایدی انده اون اوچ کشتی کوردک کیمی
 یانی و کیمی ارقاسی اوزرینه یا تمشلا ایدی کویا که او یوم مشلردی انلرک
 هر برینک توزنکنده جبه لری و کتالری وارا ایدی بونلر ایله بوزنمشلر
 ایدی بلام بونلرک ثیابی صوفدن میدر یا غیریدن میدر و لکن
 دیباج کبی برک و قاتی ایدی و اول جبه لرین الیمزله یوقلادق غایت
 صیق دو قندوغندن صوف کبی خمشلدار ایدی وایاقلرنده بالدر لرینک
 نصفه کلنجه اد کلری وارا ایدی نعلین لری خرما دن ایدی اد کلری
 غایت خوب دیکلمشدی واد کلرینک در یسی غایت یومشوق ایدی

شویله که مشلی کورلمش دکلی ایدی عباد بن صامت ایتدی پس انلردن
 برینک یوزین آجوب کوردم یوزلری نور لوو لونلری صافی ایدی و کویک
 حال اوزره یا تمشلردی اولدوغنی کبی کویا که دریلدر بونلرک بعضی
 تازه بکت و بعض پیر ایدی و بعض دموی و بعض سنک صاچلری
 اورلمش یا خود فیتل نمش و بعض سنک دخی بر برینه مضموم ایدی
 و بونلر اهل اسلام وضعی و هیثاتی اوزر لرینه ایدیلر و بونلرک
 ایچنده بر یسی قلیجیله یوزینه اورلمشدی کویا اول کون اولمشدر
 ودخی بونلرک حالندن سوال ایتدک ایتدیلر بلده بر کره اوزر لرینه
 کیر لر و بونا حیه اهلی جمع اولوب بونلرک اوزر لرینه کیروب یوزلرنده
 توزلرین ایدوب پاک ایدر لرو اوزر لرنده اولان لباسلرندن
 توزلرین کیدر لر و طر نفکلرین کسر لر و بیلرندن آلور لر و اول
 هیثاتلری اوزره قیوب کیدر لر پس انلره ینه سوال ایتدک بونلر
 کیملر در بیلور مسیز ونه مد تدن برو بونلر بونده در ایتدیلر تواریج
 گابلرنده ملوک طوائف زماننده بونلر بر قایچ بکتلر ایدی بو شهرده
 اولوردی و اول شهرک خلقی کافر لرایدی بر پادشاهلری وارا ایدی
 یونانیلردن ایدی تکرلیق دعواسین ایدردی و اول شهرک خلقی
 اکا تکریمز دیر لر ایدی انلرک اول وقت پیغمبری دخی بو غیدی بو سنه
 عیسی علیه السلام دن اول ایدی اصحاب کهف التی بکت لردی هربری
 اونوزاده لر ایدی انلرک اولولرینه مکسملینا دیر لر ایدی و بری

یلیغا وبری مرطونس بونلر داقیا نوسک صاع طرفنده طور لر ایدی
 و یوفیوس و سارینوس و دوانوس بونلر صول طرفنده طور لر ایدی
 و مصلحتن بونلر ایله مشاوره ایدردی و کفشططیوش چوبان ایدی
 و قطیر کلبی ایدی پس حق سبحانه و تعالی بونلره هدایت و یردی و کند و
 وحدانیتنی الهام طریقیه کو کلرینه براقدی حق تعالی حضرت تریخی
 برلدیله اخلاص ایله مسلمان اولدیله بونلرک بو خبری داقیا نوسه
 یئتشدی پس انلری کتور بایتدی بونجه مخلوقاتکه واردر تکریمزدر
 دیوبکا طیار لر اشدمه که سیز بندن غیری بر تگری یه دخی طیار سنز
 اول طا پد یقکز تگری کیمدر که اکا طیار سنز دیدی حق تعالی انلرک
 کو کلرینه قوت و یردی داقیا نوسدن هیچ خوف ایتدیله یردین لرین
 کیزلدیلر طوغرو سین سویله یلر ایتدیله بزم اللهمن بو یر لری
 و کو کلری یارادندر که بزا کا طیار زانندن غیری یه الله دیمرز اگر
 دیسک باطل سویلش اولور زایتدیله راشبو بزم قوممک دلیلری
 و حجت لری بوغیکن اللهی قودیلر غیری کسنه بی معبود ایدندیلر
 نفس لرینه ظلم ایتدیله جهانده اندن آرتوق ظالم کیم اوله الله تعالی
 حقتده یلان سویلیه و بهتان قیله و اکا شریک اشبات ایده
 دیدیلر داقیا نوس بو خبری کیم اشدی غایت غضبه کلوب
 دیدیکیم انلری هلاک ایده اقا صبر ایلدیکم انلری خلقه از دیلر
 دیوبلدیره تاکه ظلمیه اولدردی دیمیه لرداقیا نوسک بر قاضیسی

وار

وار ایدی اول دخی یونانیلردن ایدی اسلام اوزرینه ایدی اقا اسلا
 آشکاره ایده مزدی داقیا نوس احوالی بوکا حکایت ایلدی و ایتدی
 بویله سویلین لر که حقتده نه جزا کور رسین بونلری نه و جمله اولدر
 کرک دیدی قاضی ایتدی اولوزاده لردر و بک اوغول لریدر بونلری بی
 تکلف اولدر مک اولماز بو کجه بونلره امان و یرکه فکر ایتسونلر
 و کو کلرینه طانش سونلر شاید که انصافه کله لر حقی بیله لردیدی
 داقیا نوس انلره نصیحت ایلدی ایتدی کندی قانکره کیر مک بو بیله
 سویلک بو کجه سزه مهلت اولسون دیدی شاید عقلکر باشکره
 وانلری آلوب داقیا نوس قمتندن کتدیله بر اوده حبس ایتدیله اول کجه انلر
 دانشدیلر که یارین بو ظالم بزای اولدرسه کرکد رایش اولدر که قچالم
 دیو چقدیلر کجه ایچنده قاچوب کتدیله چونکه شهر دن چقدیلر
 شهره بقین یرده بر طاع وارا ایدی اکا پنجلوس دیر لر ایدی اکا
 یوز طوبوق کتدیله یولده کیدر کن بر چوبانه بولشدیلر آدینه
 دینوس دیر لر ایدی ایتدیله بو طاغده بر یر بیلور مسک بز آنده
 کیز لنور ز دخی بر قاچ کون انده اکلنه لم دیدیلر چوبان ایتدی
 سز نه کشیلر سز ونه صوچکرز واردر که قهر سکر دیدی ایتدیله
 بز بو شهر لی دینندن غیری بر دین طوتار ز انچون پادشاه بزای
 اولدر مک استدی اندن فرار ایده ریز دیدیلر چوبان ایتدی
 سزک دینکر نه دین در و تکر یکر کیمدر دیدی ایتدیله بز بو یری

و کوکی برادن الله تعالی به طیارز تکریمز اولدر دیدیلر چوبان ابتدی
 بن دخی اللهم بر بیلدم واکا ایمان کتوردم سزکله بیله اولورم دیدی
 ایتدیلر نولا اول دیدیلر پس ایتدی بو طاعده بر عجب مغاره وار
 اغزی طاردر اما ایچروسی بغایت واسعا ربیز بر نیچه چوبانلرز
 صوووقده قیونلریمزی انده قویارز و بر بو جا غنده دخی بزیا نورز
 دیدی و قیونلری قیوب انلرایله کتدی و اول چوبانک بر کلبی وار ایدی
 آدینه قطیر دیر لر ایدی اول دخی اویدی ایتدی یلر کلبنی قوو کتسون
 شاید اوره وغوغا ایلیه دیدیلر چوبان انی قومق امتدی بته ده چاره
 اولدی دوغندی آخر حق سبحانه و تعالی اول کلبه لسان و یروب
 فصیح لسانله سو یلدی و ایتدی بنی نیچون قوور سز بن دخی اول سزک
 طاپد یفکر تگری به طیاره م و دینکره کیردم دیدی بونلر کلبدن
 بو علامتی که کوردیلر و بو حالتی مشاهده ایتدی یلر صدق و اخلاصله
 اعتقاد کز یاده اولدی یوله دوشب کتدی یلر تا کیم اول مغاره به
 ایرشدیلر ایچرو کیروب کوردیلر کیم غایت کیک یا توب او یودیلر
 اول کلب دخی او یودی ایکی الین اوز اتدی دخی باشنی ایکی
 الینک اوزرینه قودی نته کیم قرانده بیورر الایه وَكَلْبُهُمْ بَاسِطٌ
 زِرَاعِيَةٍ بِالْوَصِيدِ هَمَانِكُمْ اُو يَقْوِيهِ و اردیلر حق تعالی روحلرین
 قبض ایلدی اولدی یلر یارنده سی قاچد قلرین دا قیا نوسه خبر و یردی یلر
 هر طرفه آدمصالوب تمام برآی آرادیلر انلر مغاره ده اوج یوز

طغوز سنه

طغوز سنه قالدیلر حق تعالی انلرک اوزرینه بر مؤکل ملک قیلدی
 بونلری چور و مسون دیومر کون بر بر یاننه دوندر ردی ننگیم قرانده
 بیورر الایه وَنُقِلْبُهُمْ ذَاتَ الْيَمِينِ وَذَاتَ الشِّمَالِ بو اوج یوز
 طغوز سنه ایچنده دا قیا نوسه اولدی اول ولایت یونانیلر
 اندن کیدوب رومیلر اننه دوشدی انلردن صکره اول کشتی کیم
 سلطان اولدی اول ییلده عیسی علیه السلام دنیا به کلدی
 انجیلده انلره اصحاب کهف قصه سین بیان ایلدی روم علما سینه انلرک
 کله سنه منتظر لر ایدی چونکه مدت تمام اولدی حق تعالی دیلدی که
 انلری احیا ایده که خلایق اولو دیر لدی کن کورب قیامت قومپسنه
 شبهه ایتیه لر بر کون او یله نمازی وقتنده مکسلینا احیا اولدی
 و یولد اشلرینه طورک دیوچا غزدی جمله سی او یخودن او یانور بکی
 طوره کلدیلر اول کلب دخی دیزی اولدی مکسلینا ایتدی عجب
 نقدر او یودق ونه دکلو اکلندک اولادیدی ایتدی یلر بر کون و یاخود
 یارم کون اکلندک اولادیدی یلر زیر اشویله صاندیلر که دونکی کون
 سحر وقتنده مغاره به کیروب یا تدیلر بر کون او یلیه دک او یودیلر
 صاندیلرینه کوده لرینک اغر لغندن شبهه به دوشب ایتدی لر
 رَبِّكُمْ اَعْلَمُ بِمَا لَبِثْتُمْ الله بیلور که بو مغاره ده نقدر اکلندک دیدیلر
 قارنلری آجدی خاطر لری طعام استدی بر دا قیا نوس فلوری
 چقاروب یملیخا اننه و یردی لر شهر دن طعام کتورمیه لر یولده

زخیره ایدینه لر یملینا فلوری آلوب شهیم کلدی شهرک اولرین
 و بازارین بلدی آدملرندن هیچ برکسنه بلدی قتی عجب بلندی ایتدی
 دوندن برو شهرک آدملی بر درلودخی اولمش فی الجملة براتمکچی
 دکانه و آردی التونی ویردی ایتدی بزه اتمک و بیجک ویردی
 اتمکچی التونه باقدی ایتدی بوالتونی سن قنده بولدک دیدی یملینا
 ایتدی بو بزم پادشا هنرک التونیدر اتمکچی ایتدی بوداقیانوس
 التونیدر سن دخی بویر آدمی دکلسن بیانده دینه بولمش سن
 دیدی یملینا ایتدی بن بوشهر دن دون کتدم بوفلوری داقیانوسک
 فلور سیدر دیدی بوا تمکچی براتی کشی ایدی داقیانوسی اشتمش
 ایدی ایتدی بو پادشا هیکه سن دیر سین قطعاً بنانی عمر مده
 اشتمش دکلم بلمزم بزم پادشا هنر فلاندر دیدی یملینا ایتدی
 سزک پادشا هکر نیچه دین طوتر و کیمه طیار دیدی اتمکچی ایتدی
 عیسی علیه السلام دیننی طوتر والله تعالی حضرت لرینه طیار دیدی
 بونلر بوسوزده ایکن بونلرک خبری عوان قولاغنه دکدی یملینایی
 آلوب پادشاه کتوردیلر پادشاه چونکی انک خیرین اشتدی
 بلدیکه بونلر اصحاب کهف درکه عیسی علیه السلام انلرک کله جکین
 انجیلده خبر ویرمش ایدی پس عالم لریکه بیلدردی کلدیلر یملینایی
 سوزه چکدیلر یملینا ایتدی بز بوشهر دن دون چقد پادشاه
 داقیانوس ایدی بز دینمز قور قوسندن بز اولدوره دیوقور قوب

قاجوب فلان مغاره ده ایدک بو کور او یقودن او یاندق بن شمدی
 کلد مکه انلرایچون آرق الام کیجیه دک اکلنه لومراندن قاجوب کیده لم
 دیدی اول عالم لر تحقیق بلدی لریکه بو اول اصحاب کهف دیرکه عیسی
 علیه السلام انجیلده خبر ویرمش ایدی یملینا ایتدی لرای ایت بشارت
 اولسون که داقیانوس زمانی کچمشدر اول زماندن بو آنه دک اوچیز
 طقوز بیلدرحق تعالی عیسی پیغمبری کوندر مشدر انجیلده سزک
 قصه کزی بیان اتمشدر بز الله تعالی یه طیار ز مسلمان لر ز عیسی
 علیه السلام شریعتین طوتادیز سزک کلمکره منتظر ایدک سز
 مغاره ده یا توب او یوبالی تمام اوچیز طقوز بیلدر دیدیلر
 اندن ایتدی لری شمدی بولد اشلرک قنده در ایتدی فلان مغاره ده
 پس پادشاه آتلنوب کلیا شهر خلقیله چیقوب کتدی لری یملینا او کله نیجه
 مغاره دن یکا کتدی لری بقین کلیمک یملینا ایتدی شمدی اول یاران لری مک
 بولسنه دن خبر لری یوقدر داقیانوس هنوز حیاته در صنور لر
 بو غلبه ایشدیجک کندیلرین دو تماغیچون کلدی صنور لر بکادستور
 ویرک واروب بو حالی انلره بلدوره یمر دیدی پادشاه نولا دیدی
 دستور ویردی یملینا کلوب بو حالی انلره بلدردی داقیانوس
 اولدیکنی و عیسی علیه السلام کلدیکنی بر بر بیان ایلدی انلر دخی
 اشیدوب حق سبحانه و تعالی نیک بر لکنه شکر ایلدی لراندن ال
 قالدیروب الله دن دیلدیلر که ینه روح لرین قبض ایلیه حق تعالی

د عالرين قبول ايدوب روحلرين قبض ايلدي پادشاه خلقيله
 كچه يه دك انده طور ديلر بوايميد ايله كه انلردن بر كسنه طشيره
 چقه چقمدي پس كچه انده ياتديلر يانجا كليچك پادشاه ايتدي
 بر يكر مفاره يه كيروب بريني بزه كتورك ديدى كسه جرات
 ايدوب ايچرويه كيره مدي اندن اول مفاره قپوسنده
 بر مسجد ياپديلر و بر طاشه انلك حالن وقصه لرين تمام
 يازديلرونه زمانده اولديغير جمله شرح ايتديلر
 بواصحاب كهف يدي كشي اولديغنده مفسر لر هيج اختلاف
 ايتما مشلدر در قرآنده دخى سبعة وثمانتهم كلبهم
 بيوروب سبعة دن زياده بيور ميوب يدي كسنه ايدكلرى
 معلومدر ورسول الله صلى الله عليه وسلم دن دخى
 مرويدر كه اصحاب كهف يدير بر روايتده عيسى عليه السلام
 اخر زمانده ير يوزينه نزول ايتد كده بونلر انوك اصحابي
 اولار ننگه نبوتى زماننده حواريون انك اعوان
 وانصاري ايديلر رحمة الله تعالى
 عليهم اجمعين

بجده سبحان وقتك اصحاب كهفك حكاية لطيفه سنى مشتمل
 لشبوره لئلا مرغوبه نك طبع و ترسيه بشا عنایتوا بشا هانده
 دار الطيب عتبا العلة طاشه سنا هنده طامح الطاف
 رب حميد محمد سعيدك معرفت و نظار تيد
 بيك ايكوز التمش درت سني
 ذى القعدة او اخر دن ختم
 پذير اولمشده

